

交河縣志卷七 民國四年重修

人物志上

表列人物以經濟德行品詣分高下而貴賤不與焉交河立縣始於金上溯漢魏下逮明清其地之一分一合不一其名要履斯土者人才有可表見秉筆者不敢遺之或考諸古或訪之今其信而有銜者悉列于篇故以經濟爲先仕績而後忠節別錄之以德行稱首孝友而後義行別錄之若文學爲邦家之彥隱逸懲貪鄙之夫技藝則小道可觀寓賢則彼都人望因並採之尙論有可考焉志人物

仕績

唐

李綱景城人仕隋爲太子洗馬一日太子勇廢文帝切讓官僚

無敢對綱獨曰陛下不素教故太子至此太子資中人耳奈何歌舞鷹犬織兒使日侍側帝曰朕過矣至唐拜詹事數諫太子不納乞歸高祖曰知公直士幸卒輔吾兒

方輿勝略

李安仁綱之孫永徽中爲太子左庶子太子忠廢還邸寮屬奔散獨安仁泣拜而去終恆州刺史弟安靜天授中爲右衛將軍武氏革命羣臣皆勸進安靜獨無所請及收繫獄來俊臣問狀安靜曰正以我唐舊臣殺之可也若詰其狀吾誰欺俊臣誤殺之會昌中錄忠臣後子孫已絕者乃贈安靜太子少師自綱五世同居安仁安靜復以義烈聞世稱李氏不衰

唐書本傳

王峻滄洲景城人後徙洛陽父行果爲長安尉知名峻少孤好

學祖有方

舊書有方岷州刺史

奇之曰是子當興吾宗長豪曠不樂閑

檢擢明經第調清苑尉除殿中侍御史會朔方元帥魏元忠討賊不利劾奏副將韓思忠敗律當誅峻以思忠偏裨權不已制且其人勇智可惜不宜獨誅固爭得釋峻亦黜爲渭南令景龍末授桂州都督州有兵舊常仰餉衡永峻始築羅郭罷戍卒埭江水開屯田數十頃以息轉漕百姓賴之後求歸上冢州人詣闕留有詔桂往罹寇暴戶口彫瘵宜卽留以須政成在桂踰年人丐刻石頌德初劉幽求放封州廣州都督周利貞欲必殺之道出峻所峻知故留不遣利貞移書督趣幽求懼曰勢且難全恐累君奈何峻曰公之坐非朋友所絕峻在終不忍公無罪就死俄崔湜等誅幽求復執政故詔幽求爲刻石辭遷鴻臚少卿充朔方軍副大總管安北大都護豐安定遠等城并受節度進太僕少卿隴右羣牧使開元二

年吐蕃以精甲十萬寇臨洮次大來谷其酋盃達延以兵踵而前峻率所部二千與臨洮軍合料奇兵七百易胡服夜襲去賊五里令曰前遇寇大呼鼓角應之賊驚疑伏在旁自相鬪死者萬計俄而薛訥至武階距大來二十里賊陣兩軍間互一舍而近峻往迎訥夜使壯士銜枚鑿突虜駭引去追至洮水敗之俘獲如積以功加銀青光祿大夫清源縣太原府屬男兼原州都督以子班爲朝散大夫又進并州都督長史明年突厥默啜爲拔曳固所殺其下多降分置河曲旣而小殺繼降降者稍稍叛去峻上書未報而虜已叛乃敕峻將并州兵濟河以討之峻間行卷甲捨幕趨山谷中遇雪恐失期誓於神曰峻事君不忠不討有罪天所殛者當自蒙罰士衆無罪心誠忠而天鑒之則止雪反風以濟戎事須臾和霽時

叛胡分二道走駿自東道追及之獲級三千以功遷左散騎

常侍朔方行軍大總管政御史大夫蹀蹀

音纈

部及僕固都

督勺磨等散保守降城左右潛引突厥內擾駿密言上盡誘

而誅之拜兵部尙書復爲朔方軍大總管九年蘭池胡康待

賓據長泉反陷六州詔郭知運與駿討平之封清源公官一

子玄宗以宮人賜知運等駿獨不敢取曰臣之事君猶子事

父詎有常近闡掖而臣子敢當乎誓死以免見聽初駿奏朔

方兵力有餘願罷知運獨當戍未報而知運至故不協駿所

降附知運輒縱擊賊意駿賣已乃復叛駿坐貶梓州刺史政

太子詹事中山郡定州公進吏部尙書太原尹代張說爲兵

部尙書同中書門下三品充朔方節度大使河北河西隴右

河東之軍盡屬是冬帝親郊追會大禮駿以冰壯請留將兵

待邊手敕慰勉會有人告許州刺史王喬謀反辭逮峻詔源
 乾曜張說雜訊無狀以黨與貶蘄州刺史遷定州復以戶部
 尚書為朔方節度使卒新唐書年七十餘舊唐書贈尚書左丞相
 諡曰忠烈峻氣貌偉特感慕節義有古人風其操下肅一吏
 人畏愛始二張之誣魏元忠峻獨上疏申治宋璟曰魏公全
 矣子再觸逆鱗其殆乎峻曰魏公以忠獲罪苟得辨雖死弗
 悔峻卒後信安王禕討奚於幽州告捷且言戰時士咸見峻
 與部將高昭麾兵赴敵天子嗟異戶部郎中楊伯成上疏請
 封峻墓表異之優其子孫帝乃遣使祭峻廟進諸子官新唐書本
 傳

後五代

周景瀛州景城人家富於財好交結歷仕唐漢周習水利嘗浚

汴口導鄭州郭西水入中牟渠修滑州河堤累遷至右領軍

衛上將軍

宋史周瑩傳

趙宋

周瑩景之子太宗潛邸時瑩得給事左右即位補殿直領武騎
卒巡警泉福州卒纔數百捕劇賊千餘遷供奉官天雄軍節
度孫永祐轉運使楊緘稱薦之又使綏銀州按邊事還奏稱
旨擢鞍轡庫副使雍熙二年爲杭睦五州都巡檢使兼杭州
都監擒妖僧紹倫株連就戮者三百餘人人以爲濫代還改
崇儀使滄州都監召拜西上閣門使領鎮定高陽關都監加
判四方館事與郝守濬塞宋州決河改三路排陣鈐轄歷知
天雄軍正定二府就遷引進使至道二年代還會李繼隆討
西夏詔瑩詣軍前授以機事還拜客省使簽書樞密院諸房

公事俄兼提點宣徽諸房鼓司登聞院與劉承珪竝任真宗嗣位承珪分使河北告諭加領富州刺史上聞其母老病閔之特封武功郡太夫人秋拜宣徽北院使先是宣徽著位在樞密副使上瑩表請居下從之咸平二年大閱命爲隨駕部署從征河朔又爲駕前馬步都部署三年遷南院使知樞密院事會蜀平部送脅從者數十百人至闕下西州轉運使馬亮因入奏請赦其罪遷還瑩以爲當盡誅之令瑩亮廷議上是亮議悉原其罪五年高陽關都部署闕上以瑩練達軍事乃拜永清軍節度兼領其任爲三路排陣使契丹入寇詔赴甯邊軍爲接瑩至則寇兵已去即日還屯所景德初丁內艱起復代王顯爲天雄軍都部署兼知軍府事嘗召洛州騎士千五百人赴大名道與寇值力戰有死傷者瑩猶謂其玩寇

將悉誅之詔賜金帛諭瑩勿治其罪車駕北巡爲駕前東西
貝冀路都部署明年改知陝州徙永興軍府又移邠州兼環
慶路都部署時夏州內屬詔省戍兵還營以減饋餉之費仍
手詔諭瑩瑩遽奏乞留以張邊威上謂瑩庸懦不智以曹瑋
代之徙知澶州大中祥符初改天平軍節度明年爲鎮定都
部署兼知定州以轉運使奏徙知澶州境內屢有寇盜宰相
言瑩任居將帥不能鎮靖請徙他郡上曰處之閒僻適使其
自偷耳遂下詔督責令其擒捕時發卒修河防而軍中所給
糗糧多腐敗不可食又役使不均瑩不加恤以故亡命者衆
七年入朝復遷還鎮又以澶州當契丹之衝復命知澶州九
年被病求還京師卒年六十六贈侍中初諡忠穆改元惠錄
其二子供奉官普顯爲內殿崇班二孫永昌永吉爲殿直普

後為崇儀副使顯至內殿承制宋史本傳

金

許安仁字子靜獻州交河人幼孤能自刻苦讀書善屬文登大

定七年進士第調河間縣主簿累遷太常博士兼國史編修

官章宗為皇太孫安仁以講學被選累遷至翰林院修撰同

知制誥賈鉉以安仁守道端慤薦於朝路伯達稱其立已純

正宜加顯任超擢禮部郎中兼右補闕出為澤州刺史作無

隱論上之凡十篇後陞汾陽軍節度使致仕泰和四年卒年

七十七諡曰文簡安仁質實無華澹然有古君子風故為時

人所稱金史本傳

許古字道真安仁子登明昌五年詞賦進士第貞祐初自左拾

遺拜監察御史時宣宗遷汴信任丞相高琪無恢復之謀古

上疏論之又上言河北諸路事宜詔付尙書省略施行焉尋
遷尙書左司員外郎兼起居注無何轉右司諫兼侍御史時
元兵越潼關而東詔尙書集百官議古上言曰寇兵踰關而
朝廷甫知此蓋諸將欺蔽罪也雖然元兵駐閩鄉境數日不
動意者恐吾河南之軍逆諸前陝西之衆躡其後或欲先令
覘者伺趨向之便或以深入入境非其地利而自危所以觀
望未遽進也此時正宜選募銳卒併力擊之且開其歸路彼
既疑惑遇敵必走我衆從而襲之其破必矣上以示尙書省
高琪阻其議遂不行是月始置招賢所令古等領其事興定
三年正月尙書奏諫官缺員因以古爲請上曰朕昨暮方思
古卿等及之正合朕意其趨召之復拜左補闕八月以鞫獄
寬縱削官四階解職哀宗初即位召爲補闕俄遷左司諫言

事稍不及昔時未幾致仕居伊陽郡守為起伊川亭古性嗜
 酒老而未衰每乘舟出村落間留飲或十數日不歸及泝流
 而上老穉爭為挽舟數十里不絕其為人愛慕如此正大七
 年卒年七十四

金史本傳

攷古本交河人後寄居河南他邑乘多載之其故居在建城
 鎮為今縣東北齊家橋元時改其故宅為夫子廟見袁桷清
 容集詳金石及陵墓

元

魏秉彝元至正中為魯山尹勤明廉儉先是各省憲移檄河南
 府路爭理嵩汝二州盧氏葉郊魯山等縣秉彝詢得其情上
 疏力言省憲嘉之遂寢其事復廟學西鄰侵地修治鴉路險
 阻禱雨祈晴皆立應及代去民懷其惠立石頌之

王璠交河人字淑輿冀國清憲公之子至元中任定陶知縣以名家子有幹才定陶臨河數被患璠至以六事序行之謂保障當先也捐俸召民起高墉重門以嚴起閉分閭巷以復互市補丁壯杜奸宄於是始築河防塞津口所調雜草七萬束河夫五百人察其勤惰差其等役河不爲害民復其業邑故有三皇廟廢已久璠更新之置新學學舊有虞世南所書碑沈於河出之置於學中縣境蠶桑久絕乃出桑法教人采葚隣境種之遂成桑林官常歲徵桑皮二百觔預買以供至是賦諸民家不過一秤餘上下無所損又置常平倉惠民局禁革科擾和買之弊詰辨奸詐伸理枉濫官政肅然

明

李玉字孟輝武勇過人精通韜略有大將才靖難初奮志從戎

遇上於大寧甚見信用與南兵交戰登先陷陣屢建大功又扈從北征後奉勅率南京兵會武鄉侯討平湖寇並從征武定嗣乃留守彰德府且從征兀良哈累著功績是以由百戶陞府軍前衛指揮使中軍都督僉事進奉天翊衛特進榮祿大夫柱國新建伯賜鐵券子孫襲爵凡佐三君歷仕四十年小心敬畏如一日故恩榮令終追封新建侯賜諡榮禧

明

余恩字天澤少嗜書無所不讀發爲文章不落谿徑每試輒冠多士然數試有司數不售晚乃以選貢入太學尤精皇極經世推其理數無不奇中嘉靖丙午除東昌府經歷公雖幕職而性嚴重不受請託懷刺者徘徊不敢入按察使某者公在太學時石交也公以事庭見之某熟視曰若非天澤兄乎何

以至此亟下堂執公手敘生平驩甚未幾卽檄公覈通省僧
道公艱然曰若以此爲吾利乎沈閣半載某聞之改檄公覈
諸路驛傳公爲稽其出入禁其侵冒驛傳一清在任五年俸
薪之外無長物卒於官其歸葬也猶僦居以厝柩云後以子

繼登貴贈翰林院檢討

舊志下同

孫賓字敬之年十六中成化乙未進士除定陶知縣蒞任值縣
治傾圯乘豐年出公帑鳩工役築譙樓創廳事及儀門寢室
東西吏舍倉庫之屬又徙土地祠於縣之內北浚一井於吏
舍之後規畫調度咸中經費一邑更新民不告勞及代遷員
外郎民立碑頌之

馮時雍字子際由弘治乙丑進士歷監察御史海道副使苑馬
寺卿湖廣福建左右布政性方嚴居官所至孤行一意不發

私書人亦不敢干以私至如却哈密之封識土魯番之詐緩安南之伐來莫登庸之降識者遑焉其以左轄入覲所司以公費進公却之僚佐曰公即儉能不爲儻居計乎乃以二百金行比至京餽諸貴人各曆日數冊而已諸貴人啣之竟致仕公既致仕猶以原費十七金發回原役其介如此歸後閉門養重建董子書院以惠後學士論高之歿祀鄉賢

王重賢字子尙正德辛巳進士授即墨知縣徵入爲浙江道監察御史諫章屢上杖闕下尋謫判壽州稍轉嘉定知縣入爲戶部主事復謫雲南安寧州同知轉知徐州濟南同知終江西按察司僉事公剛毅鯁介有執持所在有惠政在即墨曾以漁課銀買牛五百以給復業之民在徐常卻獻金二千以代州民夫價之半其政務節省與民休息去後人立祠祀之

然疾惡太嚴人以此忌之坐疾致仕實無疾也歸而課耕不入公門卒後萬歷中知縣馬中良上請崇祀鄉賢

許仁字良貴正德庚午經魁丁丑進士授戶部主事操持清介權稅河西務歲進羨餘萬金督餉大同給散以時軍士德之大同之變爭翼公以免歷登州南康二郡守所至有聲後致仕卒於家崇祀鄉賢

耿橘字藍陽世居縣西姜官屯後寄獻境以瀋陽中屯衛軍籍中萬歷辛丑科進士初教授獻邑東關發明性道之學爲歷代聖賢圖贊時麟產其鄉斃橘以石匣瘞之碑於塚前與獻令劉重慶共爲銘因以顏所居書院曰見麟後令常熟首復吳公書院徵江左耆碩以顧淑時高存之爲社長士風翕然向之常熟爲江海湖環錯之區北境高苦旱南卑苦澇橘審

度地形大修水利工初作福山塘有效於是三丈梅林鹽鐵
諸塘以次修舉濬河二百一十有四精究水土蓄洩之方著
爲水利全書其法自起夫給食引線分工定宕堆土輪竿築
堤建閘諸事無不纖悉精盡顧寧人作詩以咏之以比宋勸
農使陳靖至今邑享其利焉橘事母至孝歸田後築悅親臺
以奉母林母歿置像其上朝夕跪進飲食鄉人感焉今臺址
猶存

按交河舊有瀋陽中屯衛軍籍公入爲孝子出爲循吏獻
志載之而交志遺焉未載今採訪冊並公所隸之籍知公
屬交人無疑故補之

及宦字士顯正德甲戌進士授給事中歷寧國懷慶鳳陽等府
知府浙江按察司副使陝西湖廣參政山西按察使左布政

使入爲光祿卿南京都察院右副都御史戶部左侍郎公不爲矯矯之行而精勤舉職所至有聲其在諫垣彈劾不避權貴奉詔覈錦衣旨濫及宣府隱匿各若干請託不行寧國之譁非公爲之調停幾釀亂矣故人德公爲立生祠其巡視海道提督江防法所區畫無非建威銷萌之計公性仁于鄉遇貧賤厚甚其卒也遠近悼之今祀鄉賢

郭紹嘉靖辛酉科舉人初任揚州府管糧通判萬曆七年擢升山東登州府海防同知其地舊有堤四十餘里因歲久圯毀時被水患公捐俸倡修於是登州海濱之民不被水害民深感激建祠於海之北岸號郭公祠清道光年祠墓尙在歷署登萊青等府知府墓在城東小五里莊前

余繼登字世用號雲衢先世越人永樂間高祖士賢宦北方始

占籍交河泊頭鎮士賢生珉珉生誠誠生信信生贈宗伯公
恩恩以貢生入太學仕爲東昌幕卒於官時公方八歲煢煢
扶棺歸族不逞者利其產百計死公公不死稍長治經生業
敏慧過人年十三補諸生嘉靖甲子舉于鄉萬曆丁丑成進
士授翰林院庶吉士己卯授檢討以覃恩贈其父母癸未分
校禮闈以得士稱是歲纂修會典書成賜白金文綺戊子奉
使周藩歸度黃河風作舟人皆泣公爲文拜祝風止波恬若
有翼之者己丑充經筵講官旋擢右春坊兼編修辛卯典試
留都以不欺不二造士壬辰升右諭德典試武闈癸巳轉右
庶子甲午升詹事府兼侍讀學士充正史副總裁己未廷試
充讀卷官旋擢詹事掌翰林院事丙申拜禮部右侍郎戊戌
充知貢舉官會三品考滿詔中使勞以羊酒予三代誥命任

一子國子生是年升本部左侍郎己卯擢本部尙書蓋特簡也自公爲史官訥訥不出口及典秩宗執法守正屹然如山不可動每遇天地災異時正闕失抗章力諫無所詭隨至于端士習衛正道尤切以至焉居常茅屋蒿徑一如寒士雖貴而能貧貧而好施人罕有及之者上方擬覆金甌而公已騎箕去矣年五十七卒于位訃聞上震悼賜祭葬予諡文恪祀鄉賢著通鑑日講九十卷典故紀聞十八卷淡然軒集八卷

行世

明史本傳

蘇就大字肖康交河人篤孝友尙節義博學強識十赴公車不售嘗以前人言作箴自警曰饒一着退一步忍一言息一怒以歲貢任大城饒陽元氏三邑學博所在課文興行新聖字賑寒士各有成績宰藍田時因城東隅有舊水渠歲久淤塞

乃躬步水源相厥高下穿石築堤水復故道民得灌田之利
又憫人文荒涼議創南山塔培養土氣他如浚城隍清里書
罷追呼禁豪右種種善政難以枚舉尤可述者前令楊多所
負欠不能歸公爲設法清理俾得脫然無累一時上官方交
章薦公公乃決意休致去之日士民攀轅號泣不啻兒嬰之
失慈母然歸里優游數年而卒入名宦鄉賢兩祠後以子鑛
貴贈如其官

李點字與吾少聰穎學問廣多天啟歲貢授定興訓導捐一年
俸銀更借倉穀二百石設立社學一習文藝爲月課賞一備
荒賑濟貧生後皆以家產償之署縣印二月清理驛遞以撫
按薦升山東益都知縣未之任而卒識者惜之

清

蘇銑字澤公號泊如生而穎異順治己酉丙戌聯捷進士授河南衛輝府司李三載考最擢山東道監察御史巡視南城彈章不避權貴嗣又巡按山西勸從威淫有古繡衣使者風四越月缺裁改授陝西分守西寧道布政使參議公念邊陲樸陋鮮問學爲之建橫舍廣解額于時文風振興不異中州值徼驚竊發禍叵測公練士兵數千人又請禁旅扼吭以禦之河西民獲安堵如故踰二年遷分巡固原道按察使司副使行亭障修葺堡址鎖鑰屹然凡有興剔請諭以行或節俸縮飲食以補士民感德有尸祝畫像以報者升廣東分守嶺東道布政使司參政惠地廣斥民無聊賴以生公移插濱海遷徙居民躬親撫綏之務俾安全而後已公暇訪趙清獻公遺蹟建書院命士子肄業其中又勒石爲文以記之尋陞江西

按察使司按察使公曰法司重任民命攸關死者難以復生
斷者難以復屬不可不慎也即檄諸理刑有司聽辭稽貌惟
明克允每疑讞必詳確諄復輒引經斷之不敢輕判一筆自
是民無冤抑訟獄漸息尋請終養以歸公性恬易年方四十
堅意不起據採訪册

蘇璵字蒼玉交河人父兆公戊子拔貢慷慨好義爲時所推璵
成康熙甲戌進士爲江南休寧令下車輕刑減役歲省民費
數千民俗買婢有過時無配者悉諭遣嫁甫九月以母憂去
士民懷之服除補寧國縣舊額三項併征璵易爲三時緩征
用甦民困凡決詞訟以至誠體民案無留牘鄰縣有疑獄移
讞者悉得其情故所至稱神明焉旋擢吏部出守貴州省思
南府卒於任

蘇曙璵子康熙五十年舉人知廣西北流縣賊李梅聚黨峒穴間上密責粵東西大吏捕之曙承檄獲之造講舍教士買田四百畝爲膏火費免北流關權無名稅萬七千金商旅便之縣有圭江歲苦盛漲曙平其灘石築岸水患息後卒於官

王瑄字昭玉號修崑康熙癸丑進士授陝西保安縣方下車即以興利除弊爲務端風俗培士林頗有政聲旋擢吏部驗封司主事去之時士民頌以詩歌榮以衣傘酒餼饒行者數十里嗣丁艱服闋後補稽勲司主事陞本部員外郎在部清勤自矢恪慎供職大僚器重之陞雲南永昌道倡率僚屬以正人心端風俗爲宗旨恭遇覃恩授中憲大夫奉命督學湖廣嚴杜苞苴力拔真才所取之士掇巍科稱良吏者累累湖廣試竣適值河決清淮調赴河工派挑陶莊引河百丈沿河督

工夙夜靡懈工竣奏聞擢四川按察副使聞胞姪坦已酉丙戌聯捷南宮喜曰繼起有人吾則急流勇退矣於是解組歸里優游養性自樂餘年爰出鶴俸之餘建宗祠以妥先靈置義田以贍宗族綜公生平進則心存經濟退則望重鄉閭君子人與君子人也府志有傳崇祀鄉賢

採訪冊

王坦字居易號思齋康熙己酉丙戌聯捷進士江西永豐縣知縣丁酉科鄉試同考官公賦性豪爽氣象尊嚴初任永豐釐奸剔弊邑有神明父母之稱再補句容恩威並用又有白面包公之語遷震澤士民頌以清水明鏡匾額去任時爲公脫靴以寄甘棠之遺愛焉古所謂循良者殆其人與

同上

王嶠字如岳歲貢選棗強縣訓導朝考特簡陝西華亭知縣署固原州及平涼府同知壽八十三歲公賦性寬和遇人有忤

瞬息輒忘任華亭時興利除弊大有政聲仁厚待民不輕用
笞杖值大兵西勦委辦軍需亦無苛派擾民之事解任歸田
飲酒養花自樂晚年至老步履康健燈下楷書兩舉鄉飲大
賓人共榮之

同上

王雨溥字濟蒼號見田乾隆癸酉拔貢朝考一等以知縣用署
廣西桂林府同知歷任卓異陞黎平府同知實授思南府知
府已酉擢江南鹽巡道壬子調江安十府督糧道終江蘇提
刑按察司歷任四十年清慎嚴明所至有聲壽享六十四歲
同上

王南村諱九蘭由貢生內閣中書改授知縣歷任山東卽墨四
川璧山什邡各縣知縣以大計卓異陞用知州加同知銜清
廉自矢實惠及民德政流傳銘諸碑版其施於民者厚皆其

修於家者素也公幼年失怙嫡母畢宜人生母朱孺人事兩母先意承歡一時孝行稱於鄉里故他日治聲著於異地嘗謂爲民父母惟古人如保赤子一言親切有味以故愛民孔急凡事之便民者雖大吏阻撓一意孤行不爲勢動限滿去任香花祖道民有召父杜母之稱其在卽墨前任廣西秦公丁艱因虧鉅不得卽行公立爲出結遂其奔喪之痛後清查交代苛索本任秦已身故代爲完結一無德色其在什邡因公赴省門子持二百金入曰晨有叩門者曰以是饋父母恐資斧不給也委之而去非公善政得民安得有此異日致仕家居立義塾資以薪水人才成就遊泮水登賢書者累累道光初水災粥廠一設全活無算至輸義倉穀八百石捐備礮資五百金修漳河橋搶衛河險立節孝祠所費不資無不悉

心贊助而且鄉黨宗族仰給於公者數十家且雅擅吟詠愛陶淵明遺稿公餘著宦遊詩稿皆餘事也卒後鄉中父老歎自此後人無所矜式焉

節錄
墓碑

蘇琰歲貢生廣宗司訓邑素無學田學宮傾圮公到任捐俸修葺因勸闔邑捐修大成殿兩廡啟聖各祠煥然一新又設大成文昌二會嚴課諸生文風爲之一變制府趙考語云無愧黌宮允宜青社嘗代審編戶賑荒民矢公矢慎不濫不刻廣之士民至今稱頌不衰

據採
訪冊

張維鑑字雲塘原名學孔字東魯由廩生中式道光辛卯壬辰聯捷進士官河南鎮平知縣公學有根柢每制一藝遠近傳觀沐其化而登第者累累焉本學問爲經濟到任後其可傳可誦者一在變民風鎮平古宛南地民多強悍公於其良者

勸以善其莠者懲以威風俗丕變比戶可封蒼赤感激爲立德政碑於署內公見而欲碎之衆人泣請乃已歲旱公入邑西北五朵山禱雨赤日之下步行五十里汗流浹背翌日雨歲乃有秋一在端士習鎮平僻陋士之上進者百年無聞公立光風書院酌定章程時到院口講指畫導以前途不數年而王旭翔周劼高建章畢遇金輩皆登乙榜文風丕振實國朝來未有之奇道光丙午爲同考官其所得士如葉廷杰曼惠吉黃崇禮翰苑蜚聲人又服公知人之明焉嗣丁內艱去日闔邑士庶設饌於道相連三四里終日未出鎮平縣境及公回籍後適粵匪倡亂公與邑侯孔訂團練法爲鄉里保障城雖破而邑無大擾家居課徒一時知名士如蕭受圖范蘊章李梅林牛棨皆舉人李聯珠爲會元劉祝賡入詞館尤其

卓卓者矣謹據張氏家乘撮其大略如右

蘇元符字班侯嘉慶癸酉拔貢以州判分發湖南署辰州府通判署郴州州判有通判名至善者與撫憲有隙甄別落職某因尋撫憲私事六遣丁赴京呈控欽差審訊不實撫憲囑公証以成其讞公不許且揚言曰某不敢公蔑法袒同寮安忍以殺媚上憲白簡可登黑白不可造也於是至善免死發新疆軍斯事撫憲恨公深公謀一進京差避之次年回省而撫憲休矣丙戌署桂東知縣積案三百有奇到任一月全行審結五閱月頌聲載道公送一簡淨廉明匾額戊子保授知縣壬辰選山西猗氏知縣次年丁艱回籍已未選廣西平樂縣知縣民風健訟公至年餘而訟風大息送一洞鑑如神匾額去任時父老子弟涕泣送之此皆公歷任來勤政愛民剛正

慈祥之實蹟也以子炳榮貴晉封奉直大夫並見義行

蘇炳榮字煦庭監生山東候補知縣咸豐九年署肥城知縣是年九月逆匪至汝河南岸距城百餘里公籌款募勇囑令營典督率守禦又速集民團身先士卒晝夜巡城賊不入境邑賴以安後由軍功保奏賞戴花翎以同知直隸州兼用補招遠縣知縣

蘇名顯字炳臣咸豐癸丑恩科進士歷任山東齊東榮城嶧縣泰安各縣知縣又署濰縣平原掖縣知縣各有政聲而尤以榮城泰安爲最著公任榮城捻匪東竄已至文登榮城爲文登鄰封合邑戒嚴公督辦團防繕修城垣賊偵知有備弗敢入境民賴以安任掖縣時郡守以微嫌密揭巡撫閻文介公舍猝上聞奉旨褫職邑紳爲公訟冤閻公派員詳察得實遂

以參劾不實自請議處郡守因以罷職而公奉旨開復原官
士民稱快泰安有疑獄撫憲丁文誠公寶楨知公最深檄公
攝篆往理之獄爲庠生盧學篤因命案爲傭工誤控已聞抵
下獄矣公至察其情僞出盧於獄嚴懲傭工邑人稱神明焉
又泰安爲衝要地郵差往來不絕光緒丁丑英人以大沽海
口封凍自設郵遞由天津至清江浦沿途不敢過問公以私
設郵遞有礙國權據約力爭留其馬羈其人申詳大吏轉達
政府事賴以寢因卓異候陞以直隸州用欽加二品銜己卯
春以疾卒於官長子龍瑞字毓坪山東萊州府同知因明毛
文簡公有海廟集毓坪搜羅遺事自嘉靖至前清爲續集四
卷以補毛集之缺山東修通志時列入典籍部內次子相瑞

字榮生光緒癸巳舉人前任內閣中書

採訪冊

李汝申字同甫監生任山東萊陽縣典史官雖末秩而廉潔自持甫下車卽去獄中殺威私刑嚴定獄規分上中下三等盡歸獄卒公一介不取同治四年大饑輔縣令開倉賑濟務使實惠均霑又恐不足捐廉百金以爲倡捐之首紳商踴躍爭先不數日共捐銀五千餘兩施棉衣設粥廠他邑之民流離死亡者不少而萊民皆得其所公之惠也閭邑爲立德政碑至牌匾衣傘送者不勝枚舉同治七年捻匪擾直省而山東土匪亦起民間一日三警甚不聊生公代縣令巡行鄉鎮勸立鄉團爲之設法保護土匪不敢入境民賴以安縣令稟上奏准在任以知縣用後署萊陽知縣年餘民無冤獄有青天之頌丁外艱去紳民設餞四五里又爲立去思碑至今猶念

念不忘焉

採訪冊

温其鏞字叶辰涇陽縣丞縣西北舊有龍洞渠灌田數萬頃水
眼堵塞石工攻之費鉅萬無功年代久遠爲龍蛇藪人不敢
前公芒鞋蓑衣減從而入見洞之右水眼模糊有隙可乘督
工鑿之水一決而莫之禦此後溉田如故人蒙其利嗚呼是
殆二尹愛民之心有所感而致也是可傳矣

段丕承字紹武道光癸酉甲戌聯捷進士殿試三甲以營守備
用籤掣江南瓜州城守營兼管河汎守備任松江提標後營
守備遇覃恩祖文忠父威揚各贈武德騎尉威揚公好義疎
財有負人金者不能償代償之少孤恃姪經理家務析產時
美田宅盡讓于姪毫無德色子丕承之登科出仕咸以爲厚
德之報任守備時舊例設十五汎中有三大汎周五百餘里
地勢寥濶人情奸詐巡視舊營坍塌難守移文江都協營修

理烟墩木樓派員稽查奸宄斂迹閩里獲安十五年八月巡
視金山江面捉獲鹽船三隻蒙以優等註冊所領獎資盡散
兵丁十七年調補江南提標後營守備其去也屬吏紳民鼓
吹送之邀留靴帽以寄甘棠遺愛到任十八年拿獲重犯催
漕出力署後營遊擊彈壓災民賑撫得力因記大功黃浦江
東西兩汊口防堵登台遠望夷船數隻叱兵不動聲色整頓
戰具夷船近口開礮奮力拒敵擊沈夷船一隻會壽鎮帶河
南官兵接應兩岸夾攻夷兵大敗殺傷無算得紫銅礮六架
空心子十枚均行送上保獎卽補參府不數日又役黃浦時
當炎暑陰雨因而致疾上憲親視醫藥無效于八月二十日
病故後晉封昭武都尉以獎其忠

金德成字進修同治壬戌科武進士殿試傳臚欽點乾清門花

翎侍衛授四川參將時會川羅匪擾境兵民騷然公思設法
勦辦猝難成功因單騎入其營以理論之匪遂解散兵民安
堵後駐防西藏蠻人又叛公智勇並用大施征勦以次平復
總計仕績爲民興利除弊不一而足以故惠政所感民爲公
立生祠以祀之

採訪冊

忠節

明

孟兆祥交河人字允吉別號肖刑少聰穎博覽羣書試輒高等以萬曆丁酉登賢書先是夢詣帝所閱陰隲籍公名列第六及榜出名相符天啟壬戌成進士公次當授大行黠者給公遂攘之公授黠者廷評無怫色丁卯典蜀試所拔多名士時璫焰方熾諸士識格問禁不無觸忌語房考有所過商公曰此剛毅有幹者錄之何傷某終不敢顧一身名位失天下士房考嘆服冢君綱宜名章明者亦以是科捷北闈人皆謂此積德之報會擢銓部公歷署員外宿弊一清黃道周以慝直抗疏屢觸當事當事者令公覆疏重錮之公反極力申救政府意不自得嫉公者從茲益衆矣崇禎辛未較戴經轉勳郎

請假歸局戶讀書外不預有司事戊寅起勳郎先是以罪去者多咸視爲畏途公不顧秉公就事凡奏牘八百有奇咸得報可所全皆善類所擊率弗良也側目者陰蝮公尋降行人司副公色益無怫册封汾藩不受餽遺歷光祿與諸中貴用事革鼠竊歸贏餘於公及晉回卿馬政澄釐臻轉銀台封駁允當癸未陞刑部右侍郎值冢君雋南宮賀者趾相錯公作色曰家事小國事大方今流氛甚惡食且不下咽何以賀爲對客咄咄不已預命僕載一漆棺來都甲申春闈賊長驅薄京師人心洶洶無生氣守埤者多散去公方派值正陽門見事潰鼓音不起乃盥不食僕曰盍歸寓乎公叱之去曰社禩不臘天地昏崩家亦何問吾知死而已乃仰天涕泣冠帶紉拜曰臣力止此耳遂自經夫人何亦死三月十九日也子章

明亦同日殉難南都立諡以忠貞贈刑部尚書清入關賜諡忠靖崇祀鄉賢邑人又爲立忠孝祠

舊縣志諡忠端今參錄舊志並廿四史及史外

等書

孟章明字顯之號綱宜肖刑先生子賦質岐嶷早失所恃育於祖母殷太安人幼善病幸太安人調護周至獲卽康稍長就傅三年輒工製義一日趨庭先生撫之曰若丰度端凝神情超脫異日必抗吾宗所虞英分太過際世末流何以濟勝公由是自許益不卑庸垂髻補邑弟子員勵志下帷恥事章句解悟多出人意表方先生効職廷評時公居家代養太安人晨昏無歉太安人甚安之丁卯薦賢書辛未以先生分較禮闈格於例鬱鬱言旋癸未成進士觀政銓部甲申三月闖賊陷京師十九日辰時家僕奔告先生已盡節於正陽門公擗

踊大痛南向叩首泣血曰事急不及斂大人遺骸卽當相從
泉下矣妻王孺人扳泣曰夫死忠孝妾當先夫死節公長歎
曰能如是乎吾復何憾援筆書一絕曰不戀身家不愛錢行
乎患難亦安然忠臣節婦矢志仍結來生未了緣又題一

紙命粘庭柱曰敢有侮吾屍者當爲厲鬼殺之題畢夫婦遂
同就義都人聞之莫不流涕及賊見之亦辟易崩倒駭歎不
置而去僕婦左氏亦同縊於側其生事正人君子死猶戀戀
不捨如是後之頌孟公者尙亦念茲僕婦哉南都立贈章明
河南道御史諡節愍清人關賜諡貞孝崇祀鄉賢邑人又爲

伊父子建忠孝祠於聖廟後

參錄舊縣志並畿輔
通志及史外等書

汪有典曰嗚乎在京死難文臣二十有一人夫妻子母同盡
者豈少而父子列官於朝從容致命並以及於姑婦則惟公

一門爲最時以爲三百年特見之事詎不盛夫然後知肖形
之矢意深耳固宜有賢子婦矣忠孝性生夫豈不由學乎哉
孫辰原籍江西宜春人明洪武丙午父名遠黃參政收統小旗
兵三年撥薊州衛左所十六年病故辰因補職是年併鎗陞
小旗官三十二年八月隨軍征討克雄縣鄭州圍真定又克
之九月接應永平十月克大寧十一月戰鄭村壩獲全勝十
二月取廣昌三十三年正月取蔚州攻大同克之四月戰白
溝獲勝五月圍濟南克之八月陞總旗官十月攻克滄州十
二月戰東昌敗沿途截路軍馬三十四年戰勝夾河閏三月
戰藁城全勝八月攻克西水寨十二月陞本所百戶三十五
年攻克東阿等處四月戰小河齊眉靈壁大獲全勝五月戰
泗州陣亡上聞悼之無子以弟貴嗣職永樂二年十一月二

日仍除薊州衛左所世襲百戶食采如之十年二月二日調河間衛轄全軍遂居河間之交河縣爲交河人矣後年老上念其勤准休致以子忠襲職因忠風疾以庶子崧襲職補昭信校尉及崧子應合無子以堂弟武舉應光襲職光子邦梁邦梁子守瑚遇崇禎甲申之變殉難先人臨敵致命後人報國捐軀勝朝忠節邑乘增光矣故爲之傳

清

宋占標交河人光緒間充武衛軍協統儘先都司候補遊擊賞戴花翎二十六年任天津陣亡越明年入忠義祠

高雲彩字振山交河人秉性英勇前清時馬忠武器之任毅軍統領歷保總兵宣統三年西軍陷大同公奉命進剿連戰皆捷克復舊城軍威大振至民國鼎新陝洛盜賊蜂起命往剿

撫公進至潼關寇窮歸降而餘寇散匿山谷者猶時出擄掠
公留後分防兼辦鄉團偕兵擊捕於是澠陝數百里盜氛頓
息民感其德建碑頌功民國二年白匪擾亂中州衆二三萬
陷十餘城公時爲趙司令前鋒身先士卒冒死進擊百日之
內所陷各城一一俱復然匪勢衰而將星隕卒於郿縣之青
花鎮卽古所謂五丈原也公是年五十二歲上念其功封上
將賜卹金沐督以其事上聞於洛陽建專祠焉

孝友

晉

黃轉建成人事親以孝聞州郡舉孝廉穆帝時仕至御史清直有節操晉政不綱權奸擅命遂隱居焉子仁覽仕至清州從

事

尚友錄

明

孟尚質字汝懋號崇野先世家澤州始祖鸞生會會三子仲鉞鉞三子仲傳傳三子崇野其季也崇野子刑部右侍郎兆祥孫癸未進士章明即明末甲申父子殉國難者也先是會候時轉物逐什一居汴每釋逋負不問鉞夢父曰我多釋逋負帝曰將昌爾後於東瀛後以質遷至交之泊頭鎮遂卜居焉家有千金產盡予弟銳鉞遂爲交河人崇野年十六值父傳

客死于淮聞訃日夜跣馳水漿不入口幾滅性侍孀母王朝
夕問安母食後食母寢後寢至二十歲畢婚有期矣母忽中
痰殂親識有以喪婚俗禮進者輒痛斥之至二十三歲始親
迎鎮舊有藥王廟四月二十八日偶有赴會者舟溺公繞岸
大呼曰救一人者金一兩所活數十人其死者買棺殮之洪
家窪張家窪皆下地歲被水無所產首建議濬黃家溝疏泲
河地利興而田不汙萊矣凡有凶年爲粥果飢人腹諸如此
類不可勝述至于却安氏之獻地還陳三之遺金禮小婢化
鄰偷尤近今所罕見者嘗誡子兆祥曰教汝無他道絕請謁
遏聲妓俾無曠業自逸而已又曰爾無貴詐力賤仁義貴詐
力賤仁義剝民以厚已何所不至哉兆祥頓首受教後以子
貴贈如其官崇祀鄉賢至今過其里往往有泣下者

舊縣志

田俊少喪父事母孝母卒負土成墳廬墓三年有司奏旌其門
褚環家世農業環自秀才時常代父耕鋤父卒時已登鄉榜哀
毀骨立結廬墓側朝夕哭奠者三年縣令嘉其孝欲爲申請
表其門環固止之後任長安知縣約已化民謝政歸闔門養
重矜細行言動不苟說者謂有古人不徑不竇之風云

舊志

尙霑親死廬墓三年知縣馬中良旌其門
朱時泰親死廬墓一日縣令過其地方大雪見朱獨居問知之
乃告於提學副使列之諸生

于欽天順癸丑進士筮仕吏部主事絕請託杜倖進剛方不畏
權勢宅幽家居廬於墓側服闋補官未竟厥施而卒識者惜

之舊志

清

蘇美大字起恆兄弟四人公行三有丈夫子五長鑣拔貢次銑
進士江右參政次鑰庠生次鉉歲貢次鏘廩生孫璵壬子舉
人公天資篤厚學問博洽事父母色養兼至處兄弟怡怡和
悅遠近人士無問知與不知爭先覩之爲快至訓諸子必手
著講義確遵傳註雖數不得志於有司無幾微見於詞色接
人則推心見誠表裏如一所謂光風霽月者非耶後以子銑
貴贈如其官

王禧號嘉徵七歲失恃事繼母無異所生父疾營求醫藥衣不
解帶者累月養生送死孝無閒言異母弟六人分爨後周其
匱乏時有緩急以身任之生平刻苦讀書誨人不倦子孫蔚
起人咸謂爲積德之報長子瑄三子琬皆貢生次子琯癸丑
進士孫坦巳酉丙戌聯捷進士其餘貢成均遊泮水者累累

焉庚寅年奉憲文崇祀鄉賢

採訪冊

溫得之字子一歲貢生少孤貧祖母王母周早寡奉事維謹以孝聞母患癱不能動履得之與妻穆氏晝夜侍湯藥數十年如一日母歿寢苦枕塊廬柩側三年疏食飲水冬不爐夏不扇知縣旌其閭

蘇疇字靜雲拔貢生性孝友母患股疾製板輿躬推挽之二十
年不倦搆養心齋聚黨講學其中多所成就兩舉鄉飲大賓
卒子燕壬子舉人懷安縣教諭

馬恆廩生父圖患足疾徒步百里延醫七閱月弗衰父歿哀毀
骨立廬墓三年事繼母至孝邑人稱之知縣徐請旌於朝
劉樛歲貢生事孀母三十年色養備至人以孝稱

蘇鶴成字語年號野汀幼聰敏年十五通春秋三禮乾隆二年

進士有至性母柴病風不能言抑搔悉中親意父卒官匍匐
奔喪間關萬里數瀕於危扶柩歸葬高密單某以事戍捐金
贖歸著野汀詩稿三卷

王元錫親歿廬墓兩次本縣張公以孝行可風旌其門

蘇濼字天秩七歲出嗣堂伯當大事時顏色之戚哭泣之哀有
過成人後事嗣母及本生父母曲承色笑各得歡心蓋公之
孝根天性有如此者至於築河隄修橋梁挑官溝種種義舉
皆其餘也

採訪冊

趙文顯字彬公孝行真篤母早亡事父與繼母色養備至父歿
哭不絕聲水漿不入口者三日憔悴哀毀不御酒肉不近房
帷三年無間妻李氏亦同之人稱爲雙孝邑紳白於官旌其

門

蘇暎字萼岩賦性淳樸學求本實嘗自成一聯云率真遵古道
疏懶遜名流讀書明理學循古訓孝友是亦爲政沾沾青紫
奚爲哉因盡子職全弟道遠近親疏稱無間言

採訪冊

蘇堂字潤堂增生也侍父疾親嘗藥餌衣不解帶者數月後其
父又得癱瘓症醫藥無靈聞定親王府有再造丸治無不驗
求之甚難公慨然北上委曲婉轉終得一顆而歸敬奉其父
服之立愈人於此咸稱公之孝焉然公本孝思以敦宗睦族
如修族譜建宗祠族人無恆業者出資以使之貿易分田以
使之耕耘莫不因其材而成就之蓋公之孝思錫類也又如
此以子元符貴勅贈徵仕郎以孫炳榮貴馳贈奉直大夫

冊

王廣德北楊莊人其父名友赴關左念年未歸廣德親往尋之

背負小旗上書某人尋父訪問多日無耗一日至極寥濶處
不知地名入山谷見桃樹摘實食之偶遇村人述所經咸大
駭曰此虎穴也不死幸矣後至一溪一人在船頭呼之登舟
各道來歷乃其父也因同歸此其艱苦備歷終尋父還真孝
思不匱者歟同上

蘇墉字榮堂武生候選衛千總事兄潤堂隅坐隨行至老不倦
弟錦堂早故無子父母憂之公方舉子即以嗣弟以慰親心
以孫拱辰貴誥贈通奉大夫同上

王穎蕙字蘭譜號栗亭由廩生中乾隆戊子舉人嘉慶丙辰大
挑二等授雄縣教諭公天性友愛兄弟同居數十年無乖忤
意赴司鐸任執二弟手泣曰吾爲吾斗米不能與兄弟聚首
心終怏怏不快二弟勸之始行其友愛如此生平教授生徒

因材施教食餼採芹者濟濟盈門猶其餘事

同上

王穎藜字芸書號乙亭廩膳生壽享七十一歲天性和平學養深邃其事親也養生送死孝思維則兄弟白首同居一無乖忤尤爲近世所僅見書法精嚴醫學純粹特緒餘矣

同上

蘇元箴字右銘監生布政司理問幼年多疾廢讀恐身有不保貽宗祧憂兄敬齋出嗣叔父歿而無子公慨之以長子汝鑒嗣之教之成名後爲靈壽教諭有妹適景州劉氏一子早寡公收而教養之歷有年所後任深州訓導公外祖東光莊某無後公以爲憂爲之擇賢立嗣置田三十畝以承祭祀每歲公親往祭墓至老不倦續修族譜慨然出資一無吝色觀公之繼絕嗣育孤甥恤母族敦宗誼種種懿行謂之爲孝友其無愧乎子七人均登仕版孫曾五十餘名登科甲入宦途者

共十餘人享年八十有七無疾而逝經曰積善餘慶誠不誣也
也以子拱辰貴加級誥封資政大夫並見義行同上

毛家營胡五經幼學未成兄弟五人五經最少家貧未能娶妻
析產後兄等不務生理母劉氏五經獨自奉養田僅畝餘以
圃爲生每賣菜歸必鬻甘旨以進母艱於步履出則背負以
行每晨起爲之洗面梳髮毫無倦容母有足疾必手爲洗濯
用針剪剔撥較之古人孝親滌溺器者尤爲真摯母死痛不
欲生售田之半以葬其居鄉勸人爲善終日諄諄年老家亦
小康人以爲天佑善士云同上

馮永安南家莊人性孝友而無嗣弟永清年三十餘病故弟婦
王氏守志五孤均幼長僅成童其一尙在襁褓永安視如己
子妻子亦賢相與教養成立親歿依然同居終身未嘗析

產以故四世同堂孫輩在校成名夫婦均以壽考終人以爲
孝悌忠厚之報遺言五姪以次姪貴誠三姪貴華爲嗣均分
產業以終讓德云

同上

韓三多字福堂太學生富莊驛人天性孝友矜式里閭其尤爲
人所難能者莫如數千里尋兄一事公兄弟三人長大椿仲
二南清嘉慶末年長兄不告外出數年無耗大傷親心公思
兄念切志欲往尋而窮於所向適有客自關東來言關外濫
泥窪有韓某者係此鎮人公聞而歸告父母欲尋之父母因
其不告而出深恨之又因久而不歸存亡莫卜更深憐之公
察知親意婉辭而去夜宿曉行及出關人煙寥落日暮途窮
投宿無地至山上古廟止焉仰觀神像乃壯繆關將軍也曰
此忠義正直之神異姓結拜終無二心千里尋兄五關斬將

今我所尋者胞兄也神庶幾默佑我乎拜禱之餘頽然而卧
忽一人自外至呼曰客非赴濫泥窪尋韓某者耶今已徙次
拉樹爲汝指迷勿徒勞也公喜極起而問之乃夢也欠身唏
噓月光射入拾得一紙月下視之模糊間似一路程單躍起
登程歷窮巖極壑日僅一餐亦不覺其苦前行市月始與兄
晤面各訴離衷告以父母想思之苦兄弟遄返舉家相慶焉
嗚呼至性格天感神其信然矣

同上

張秉立南家莊人天性至孝六歲失恃父廷會繼室張氏生二
子秉立仰承色笑終不得繼母歡年十餘歲即令自謀生活
而苦志經營家以成立乃行年三十妻死子幼亦如其喪母
時也鑒於前車誓不再娶媒妁至婉却之夫以小康之資中
年不娶亦田舍中之卓卓者矣與父母雖不同居而朝夕定

國史
縣志
家譜

國有史
縣有志
家有譜

省日以爲常卒能挽回繼母之心而終於底豫繼母病親侍湯藥衣不解帶者數十日兩弟有時代之猶恐給事之不周親歿後所遺產業悉以與弟而喪葬之費仍出資以終大事其天性純摯如此現年八十有三而精神矍鑠大抵孝德之報也

同上

王樹材字萬春早年失恃刻苦讀書屢試不售後以課讀所入奉事寡母日以孝聞弟樹梓出繼財產合同同居終世里人慕其孝友呈請孔邑候旌以孝友端方匾額

同上

王樹梓字峻山監生樹材之胞弟亦純孝也與兄奉寡母度日冬則熨衾夏則扇蚊母氏有疾延醫視藥衣不解帶愈而後已後出嗣堂伯事嗣母無異本生人以是稱其孝焉

同上

南方塘一鄉善士也字鑑三號孟藩清例貢生按察司經歷職

銜天性孝友篤於天倫兄弟三人先生其季也幼失怙恃二兄又相繼逝世長兄遺孤雲魁因光緒初年大飢謀食四方廿年無耗先生憂之徧覓無蹤後聞其羈身元氏縣年已五十餘不避艱苦卒尋其姪攜之歸怡然曰吾他日可見吾兄於地下事繼母以孝聞生事死葬獨力任之而遺產則與二姪均分且銳意育材欲立學堂有志未逮子清魁俊魁麟閣遵遺命創兩等學校墊款千金事聞獎給貢生按察司經歷職銜正七品封典同上

太學生于純一性樸誠家道不豐值歲饑大母年邁恐粗糲不能下咽典衣以供甘旨又兄嫂早世遺姪慶安僅數月撫之如已出及長延師課讀後因天資遲鈍使就武科祈博一矜以報兄嫂於地下孝友性成足以風矣同上

蘇德潤字載魁武庠生後選衛千總質英敏天性孝友幼而失
恃事繼母解及兩太孺人以孝聞酷好讀書因父庠生學坡
公委理家務諸事紛心遂廢讀而就武甫弱冠取入邑庠日
習舉子業冀得第以承親歡無如學坡公與及太孺人相繼
棄世憂戚交迫得勞嗽症且有弟三人就文就武不惜重貲
爲之延師尋友十餘年皆成名迨後食指日繁勢難夥居遺
產數十畝悉予諸弟子然一身徙泊鎮謀生理嗚呼公之孝
友誠人所不及哉

同上

高春泰字澤普兄弟五人或入庠或納監公獨理家政廢讀就
耕自甘辛苦兄弟間怡怡如也初公母劉孺人失明醫治無
效公每夜向北斗拜祝人竊笑之不意日漸通明二目復初
書云至誠感神信不誣矣後家道日臻富厚又爲姪若孫延

師課讀不惜重貲一時入國學者四入縣學者三一家五十餘口同居六十餘年肅穆雍和人爭羨之

同上

王義字治安太學生候選布政司理問事親從兄克盡孝弟治家有法尤善教子姪兄弟三人次早逝上奉寡嫂下撫兩孤躬荷重任不避嫌怨延師課讀姪有過盛氣相加及跪而受責未嘗不淚隨杖落欲示薄懲而終不忍也姪輩克自樹立後任宰官政績卓著遇覃恩賜封公以奉直大夫公長兄無嗣公議以公長子充之公終以仲兄之幼子嗣焉骨肉之間以苦心濟其至性者抑何篤且摯也他若見義必爲周急濟危不一而足凶年難民流離接踵於市乃設立粥廠全活無算邑候榜其門曰爲善最樂又公之餘事

同上

杜國興字相臣孝子也母節婦王氏守志有年公恨無力表章

之後數十年有力上請旌以節勵松筠四字准其入祠公乃
曰吾一生大憾釋矣公性慷爽母歿後慨然曰吾不敢出身
報國徒以老母在也今得行其志矣適粵匪擾境賊入其舍
公罵之賊以戈槩公左鬢血流滿面罵益甚賊憐其老釋之
公聞孔公死於賊入縣署哭之痛曰父子同死忠臣孝子也
吾之死不得同於公真恨事也言訖金創并裂血流不止而
卒公之孝義洵可風矣

同上

劉國麟字拙菴同治間歲貢生少孤事寡母以孝聞從兄夢麟
學成名後課徒自給束脩有無不甚計較生徒入泮者纍纍
焉隨同邑炳臣蘇公任就教讀館聞兄疾不遠千里而歸醫
藥躬親衣不解帶者累月蓋其孝友性成有如此者

同上

褚元龍城南褚家莊人學禮先生長子也家貧至孝先意承歡

奉繼母委曲求全常以妻季氏不得母心屢加懲戒以故妻死終身不娶父歿兩弟俱幼因家道赤貧傭工四方所得薪金上奉繼母下撫兩弟幾至二十年及母病親侍湯藥延醫祈巫數年不倦孝友如此可以風矣

同上

唐維忠字中心幼業讀以孝友聞及長兄弟分炊獨與父母同居奉養不足服賈濟之生死悉竭其力諸兄有不支者盡情分潤爲姪墊錢千七百緡骨肉中委曲求全一無德色待人渾厚亦多類此常語人曰吾學識有限惟孝友二字尙認得真年邁五旬而終著有本命論同人據以上聞額其門曰孝友克全子清源廩貢生星源庠生鴻臚寺序班孫鳳書歲貢生儘先訓導鴻書丁酉舉人候選教諭一門蔚然皆公之貽

也

同上

季廷芳字瑞蘭幼年失怙廬墓三年不理家事邑候朱請旌蒙

獎純孝性成匾額

同上

張蔭田字鶴洲廩膳生學業淵博天性淳謹事繼母如生母人無間言有閔子之風泊鎮左右受業者不下百人公之教人先孝友而後學問以故碩德名士多出其門歿後弟子思慕不已立遺愛碑在泊西

同上

白有慶字化普世居泊西劉莊事親孝親歿廬墓四年人多稱之至冬施綿衣道掩枯骨貧人頌以匾額猶其小節

同上

增生孫捷三字鼎臣性聰慧詩書而外醫卜星相琴碁書畫無一不精然此其小節也其大者莫如孝母公少孤諸事一遵母命入泮後課讀爲業自館歸必獻諸劇又往往尋小兒玩物斑衣戲彩作孩提跳舞狀以博親歡以故鄉黨有老萊子

之目及母歿號啕悲泣斷絕葷酒哀毀過甚卧床不起奄然而逝親族與門下共表其墓以勒諸石似可與孝子碑義士碑並垂不朽

同上

李玉祿千民屯農夫也父兄弟二人始終同居至玉祿兄弟亦如之玉祿嗣其叔事諸親各得歡心親歿後與兄同居數十年因生有六女均長其兄之三子忽一日與兄商分居事兄問故玉祿曰吾諸女屢年出聘耗費不資恐爲諸姪定親累遂以肥田美宅讓兄立即自爨然名雖分居實如同炊也玉祿之地兄爲耕穫玉祿不過問至應酬親友完糧納稅先塋立碑玉祿出資其兄亦不過問至今兄弟白首友愛如初人爭羨之玉祿晚生一子其兄視如己子兄弟如斯可爲世之

兄弟勸

同上

李香林婆羅村人七歲時母蔣氏已卽世繼母郭撫之若不知其爲繼母者父夢錦庠生先痢後痔香林奔走醫治十餘年如一日嗣丁繼母憂遺幼弟三人香林撫之友愛倍至人無間言父晚年疾革敬侍醫藥衣不解帶者累月終不起香林哀毀骨立喪葬盡禮後四弟病癩醫治年餘面無愠色現兄弟成立始各析居孝友兼全矣

同上

史鳳岐西關人家素貧母信巫祝每建醮費輒不貲時雖困窘怡然也嘗造一木裡挽母行赴東嶽廟迎合母意或拜禱或自演劇左右笑之不顧也今已家道小康人以爲孝行之報褚學典字徽五家赤貧事繼母至孝一時有閔子之目

俱同上

王永泰世居城南街清康熙丙辰進士坦公之八世孫也兄弟三人仲永平季永錫父歿時永泰方十歲仲八歲季三歲貧

甚遺產房僅數間母日泣痛不欲生永泰跪謂母曰有子三

人何患貧萬不令母終艱難也母聞之心稍慰日夜紡績以

餬口永泰伺有餘向母討錢數百文入市販食物戒仲弟不

許游手不數年家漸充又令季弟永錫讀書試未售而科舉

停為之納監現永泰永平善貿易永錫教讀終年進款約數

百千母老日奉甘旨頗得歡心光緒間為母請旌母歿後兄

弟同居一室雍睦書曰惟孝友于兄弟永泰庶無愧矣同上

胡鳳閣字阿峯六品銜少孤事母以孝聞教弟讀書鳳樓鳳章

均入邑庠孝友二字可以題贈同上

從九王瑞徵字洛書事親以孝聲聞鄰里子二人孫四人曾孫

六人玄孫三人耕讀為業雍雍一庭人以為孝德之報云宜

統二年邑令黃以五葉增榮旌其門同上

義行

明

馮讓邑廩生存心長厚有學行成化壬辰公當貢其次者爲劉讓浼公讓已卽讓之至甲午其次者爲潘信又浼公讓已又讓之至丙申始入貢其處鄉大都類此後爲揚州知事以子布政時雍貴贈如其官論者謂讓不愧其名云

舊志

楊徽字景猷交河人宏治初歲施米三百石以濟貧民又出粟

代民間輸稅如是者十年禮部尙書白鉞有贈詩

見舊志

劉瓚明貢生江西按察司副使陝西按察使司簽事邑之巨富也歲大飢而征未停公憫之欲代一邑納糧又有張邦彥爭之邑候笑曰汝二人可鬪富富者納之當將衣服比較時暑未退劉衣內有珍珠衫一襲邑候笑曰劉公當納邑人有諺

語十張邦彥不及一小劉瓚至今傳之現有劉瓚村公故里也村西有塚被雨冲塌見石棺焉同上

于化龍廩生崇禎甲戌當貢次貢曰僕老矣可相讓乎化龍讓之及丙子又當貢行至中途偶病遂將貢文付陪貢回家就醫彼時有胡生欲補化龍廩宗師汪因問其詳始知化龍病歸遂令陪貢取本生病呈來驗及至病已愈竟與病呈使之去遲至戊寅年方貢其子廩生揚附生掄遇修縣志呈本縣墻批准入志化龍即經魁于捷父也舊志

清

蘇鉞監生代邑令納官逋三千金武城王乙鬻子遺其金刎頸幾死鉞療以藥還其金康熙四十二年山東飢民流縣境分餼米活之蘇焯亦好義與鉞齊名府志

蘇旺璵之子世厚於資性好濟貧族人待以舉火者不一時以車載粟餉朋友親戚之匱乏者歲費千斛死無殮者予之棺寒無衣者與之衣終身行之不倦康熙癸巳舉人例選太常博士未除而卒

許勳臣字廷揆候選州同知三韓巨族隸鑲白旗籍寄居泊鎮好善樂施康熙五十五年泊西南漫河水漲堤岸將傾公不待捐募出資完葺水不爲災衆人感激額其門曰惠洽鄰里

採訪冊

馬之驥庠生性天渾厚心地和平家庭內雍睦可風鄉人化之孝弟力田居然仁里終公之世村人無一興訟者知縣保獎恩榮八品子五人長皋相武舉人次鰲三鯤均武生四玉白文生五麟業儒孫世盛武生世顯世榮俱文生五世族孫欣

乾隆壬申舉人朝選道光壬辰舉人祖父積德子孫食報嗚呼盛矣同上

楊曾康熙時人性耿介一介不以取人一日外出晚歸路旁有物摸之禱套也提之至重約內有銀未啟視坐於側以待尋者夜將半一人騎馬至問公拾禱套乎曾曰然其人曰吾物也曾曰果汝物指明物件數不差即付汝人歷言不爽曾付之其人欲以半分曾曾怒曰吾若戀財早攜之至家而盡得矣何以半爲其人慙而去後贈以拾金不昧額採訪冊

蘇蘭成暄之子好義樂施亦如其父乾隆二十四年河水漲懸金鳩衆築堤人無水災三十九年大旱出粟賑貸多所全活以貢生終

蘇焯輕財好施所居村多盜焯示以大義周其衣食卒皆爲善

有黃節婦者自十九歲守節二子尙幼其兄令其改適已受
耿姓財矣氏知之欲自盡鄰人曰子真欲守耶非求蘇善人不
免氏奔懇於焯焯親至其村迎娶者已在門矣焯勸之去曰
娶妻爲無後計強娶節婦不祥明日齋錢如所受數還之黃
氏遂終其節

陳傑字冠英太學生清乾隆己亥修東新店天仙橋總理其事
施錢百千土五百車每冬月放粥活乞人鄰有孤子寡婦貧
苦莫支寒則衣之飢則食之今雖年遠善士之稱相傳弗忘

採訪
冊

監生常士弘字任甫乾隆四十五年時疫流行死者狼籍任甫
憫之施地爲義塚死而無歸者葬之可謂澤及枯骨矣同

王穎華字茗文號九亭邑庠生壽八十二歲性情剛直見義必

爲人有緩急匍匐救之猜忌嫌疑毫不顧問歿後人共思之

同上

穆克溫字和盦世居穆家村弱冠時困於家計棄讀力生產十餘年積鉅萬富冠一鄉乾隆年大饑流離相望先生慨然曰不能急人困拯人厄何以富爲乃盡發粟以濟貧者里人賴以活老弱感戴義聲播遐邇後年八十鄰里故舊爭趨爲壽途爲之塞鄉人表其門曰熙朝耆彥復以喜劇爲賀東西相對絃歌並發莫不欣欣然曰非斯德孰能享斯壽此吾鄉之樂也諺云有德者必有壽其斯之謂歟

採訪冊

王鑑字春亭增生誥贈奉直大夫村境東漫河無岸公奉縣諭創修手足拮据不憚勤勞自嘉慶中至今永免水患河岸現

存碑誌

同上

韓廷柵字讓亭賦性慷慨好善樂施嘉慶二十一年邑有偏災
出粟千餘石以資賑恤知縣潘公以樂善可風旌其門上同

及毓鵬字化鵬邑庠生性和平好爲人排難解紛嘗曰吾親友
鄉鄰決不使之興訟聞有爭者雖以首搶地必爲之息善誘
後學成材甚衆尤精岐黃貧而有疾者步行往診是以多所
全活宰交河者皆重之邑有大事必預謀雖鄉間婦孺不忍
稱其名均呼及先生焉年七十五卒上同

蘇桂成字人鳳賦性正直遇事慷慨公一妹適東光郭氏家貧
公歲給衣食至歿無缺嘉慶辛酉河水泛溢鳩工聚材築隄
共費數萬緡公獨任之毫無德色又棗強王某山西楊某各
欠金數百公悉焚其券其好義如此以孫元符貴馳贈徵仕

郎上同

李振綱邑庠生誥封奉政大夫事親孝處衆和道光間西河連
次決口田廬漂沒居民乏食在附近立粥廠以救飢捨棉衣
以濟寒活人無算樂善好施至老不倦同上

吳珣字蘊生邑庠生世居吳潘村子紹伯字讓三道光八年山
西大饑邑令奉命勸捐蘊生捐銀助賑令以急公好義額其
門咸豐三年髮逆擾境僧王餉缺讓三備糧草載赴通州不
遇解送連鎮始得交割王賞以花翎守備樂善好施世濟美
矣同上

王永圖字丕謨例貢生以助賑功邑候潘佺以急公好義額其
門同上

馮珩字楚玉國學生以助賑功邑候潘佺以急公好義額其門
同上

趙永年字遐齡國學生以助賑功邑候潘佺以急公好義額其

門同上

蘇元符字班候拔貢由州判選授廣西平樂縣知縣正直廉明
已載仕績致仕家居尤多義舉刊行莊在田先生慈幼新書
板存泊鎮周氏書舖任人刷印又在泊鎮北買地八畝餘爲
義塚縣治東南隅魁星閣下大鐘主一縣文明時有縣令邊
某用皮鞭打之以生鐵填塞鐘眼由是而文明日減公覓工
鑿之數次工竣墊辦金數百交河之科第於以連綿繼起至
今人頌公德不衰咸豐三年粵匪竄擾邑候孔公慶銓奉伊
太孺人孺人及次子送公處避難人戒公勿納公弗聽更遣
車接其全家眷口及城破孔公與長子殉節後賊知其家屬
在公家欲覓而盡殺之乃黑夜迷路距公村三里許而北過

之公語人曰孔公家屬由吾保全實吾之家屬由孔公之忠烈保全也公之好義如此故著於篇

同上

蘇元箴字右銘監生布政司理問秉性孝友前已有傳而公之見義必爲樂善好施亦有不可沒者泊鎮旅人死多暴露公於鎮之西置田十餘畝捨爲葬所鎮冬設厰施粥公助米三十石歲以爲常每冬月自捨棉衣三百身以給窮民泊鎮河西岸傾頽行路不便公出資創修磚壩閣鎮公送樂善不倦匾額髮逆內擾畿輔僧邸兵屯阜城公以白麪一萬四千餘斤豆米數百石助餉不受獎賞僧邸以義禮家風匾額旌之同治七年賊踞河東鄉民防河西岸公置擡鎗百餘件火藥千餘斤散給各團人皆踴躍頌德每有賑捐無不樂輸又刻有鍼灸便用本草說約以備居人之用至今父老猶稱述其

事同

尤鳴林字在竹恩貢生仗義疎財咸豐三年大水爲災家有倉穀盡以濟貧且飼牛數頭以給人之無力耕者見村中弟子秀而貧者代備束金使就讀鄉里頌德共額其門上同

尤玉錯鳴林子慷慨好義有父風咸豐間髮逆陷阜城村人驚懼出資募勇多方保護人賴以安僧王缺餉輦送糧草赴連鎮獻納事平王獎以六品軍功鄉里額其門者三上同

張九珍字庶饒因差久訟自出資財後經准免地方蒙庥人多感念不忘上同

溫應昌字熙緝溫孝子子一後裔以子其鏞貴誥封奉直大夫慷慨好義設粥廠修義渡建橋梁種種善舉無不力爲而其爲人所難爲者莫如團防道光末粵匪倡亂直省盜起公集

木商多人協力防堵境賴以安咸豐三年粵匪北犯率千人
迎戰衆寡不敵致敗同治七年捻匪大至運防甚緊奉諭辦
團命子其鏞立營設伍備械儲糧得預平捻之獎縣令額其
門曰見義必爲年七旬終子二其鏞涇陽二尹加五品銜有
傳其鍾副舉人孫慶涇優貢生學堂畢業慶湘業儒同上

蘇汝鑿字戒軒廩貢生授靈壽縣教諭性好義舉純篤待人同
治七年髮逆擾亂河東鄉民守禦西岸以拒之公出資團練
賊不敢西人賴以安事竣約費七千餘緡共輸錢償公公不
受人義之公頌以德洽衆心匾額縣東普頭河南岸東漫河
西岸日久坍塌水每爲害公首捐千緡令各村分工修造至
今永免水患各村又頌以德隆望重匾額同上

閻成雲咸豐間年荒出穀百石以救鄉鄰至今均感念不忘壽

八十七終

同上

李光晉字亭午弟光昭字霞浦咸豐癸丑甲寅間粵匪犯境上命官紳辦團一時介石王公倡其始光晉兄弟總其成助邑候除殘戢暴軍書旁午而鄉里晏然者皆其兄弟力也同治七年擒匪北竄仍仿前法捍衛桑梓先聞至深武一帶督勇西防沙河及南竄寧吳景滄等處又防運河西岸賊東逼大海南阻黃河北迫捷地西邊運墻以故大兵剿之克奏膚功而光晉兄弟裹糧坐甲枕戈待旦已五閱月矣凱奏後保以知縣加六品銜後遇凶年助邑候賑濟不避嫌不邀譽條分縷析實惠均霑自防堵以至辦賑車馬僕從皆出家財而產業已耗大半乃能安之若素焉殆亦謂公而忘私國而忘家

者歟

節錄
墓碑

顧同麟字庚南邑庠生好學不倦居家克孝處世以和手輯性理顏曰夢覺醉醒錄又著性理摘要四卷咸豐同治時運河秋漲二次出資修治大隄水不為患人皆感之頌以匾額堅辭不受採訪册

楊重慶交河人家近運河遇有水患築堤者恆數縣人供給柴

米預備楛料毫無吝惜滄青兩縣人額其門曰義重河防後

兩次築運仗義如前縣令額其門曰輸財捍患本縣之人又

額其門曰樂善好施同治七年捻匪擾境數縣人逃難伊村

飲食居處俱靠為東道主人事平後羣頌之曰疎財好義是

人也列入義行庶幾無愧同上

趙仲卿字月菴世居邑西趙家莊兄弟四人公其仲也幼英異

超出傳類童試輒冠其曹入泮後肄業書院文名噪甚嗣以

遭家多故棄科舉由優貢援例就訓導同治七年捻匪北擾
公出資練團築運河西岸堤牆賊不得逞耗費雖多無德色
賊平叙功歷署南樂內邱饒陽等縣訓導光緒初大旱謀諸
兩弟各出粟賑貸鄉鄰賴以存活者無算人有急難無不量
力拯救事過忘之蓋急公好義天性然也

同上

蘇汝鏡字履平山東觀城縣知縣乞養旋里至孝性成尤注意
育才凡親族鄰里子弟之俊秀者公延師課讀推食解衣一
無德色其後借以成名者纍纍河間進士包源其著也光緒
初連年饑饉公之族待以舉火者不一又補助粥廠借資於
族兄丙辰胞弟拱辰以濟其乏流民萬餘俱賴以生活嗚呼

盛矣

同上

蘇元肅一名振元字漢候武庠生孝友性成慷慨好義同治七

年捻匪竄擾操練鄉團守運河置火鎗抬銃數百枝墊款巨萬地方賴以安鄉人以見義勇爲額其門邑候朱獎曰衆口成碑并請直督官奏請以守備歸標拔補賞戴藍翎八年八月奉旨允准九年三月歸標爵相李派往大沽協營幫帶礮隊以都司用并換花翎光緒二十三年運河決口幫同道憲吳邑令阮修堤墊款千三百餘貫合龍後村鎮送匾曰主善爲師李相賞額曰好義急公并奏獎三品銜卒年六十有八

本家傳畧

王光勳字荔亭增廣生生平課讀貧無資者不取束金及門之士成名者累累同治七年賊踞運河東岸而河西沿隄增防賊西竄公以儒生執戈晝夜巡視義氣凜凜人爭羨之著有

忠孝集隨筆錄未梓

採訪冊

王九牧又名豫字介石由副貢報捐知縣分發四川歷署縣竹
等縣知縣又補德陽知縣大計保薦卓異旋以奉諱家居粵
賊北犯上命在籍辦團公乃出資助軍合百餘村首尾聯絡
屹若長城寇盜充斥而吾鄉枹鼓不驚皆其賜也無何以積
勞卒於客邸人皆惜之後同治間捻匪又起辦團練者踵其
成法咸克有濟至今歲時伏臘父老猶尸祝之非遺惠入人
者深烏能若此

同上

王慶銓字竹賓道光己酉拔貢充官學漢教習授河南蘭儀知
縣廉明公正卓有政聲時粵匪擾境公率民日夜防禦民賴
以安嗣丁艱歸里同治七年捻匪北擾邑中辦團公推光昭
李公爲首命兩弟似村子佩助之西防沙河東防衛河五閱
月而安堵如故漳清兩河間舊有兩橋與衆量力重修人不

病涉光緒丁丑大饑上命賑濟助邑令從容措置務使閭里無遺濫胥吏免侵漁邑人德之至於義穀儲倉凶年災民猶蒙其惠紅糧變價學堂公費尙賴其資皆其籌於數十年之前故收效於數十年之後也當日邑令同贈以樂事勸功匾額至今同鄉父老尸祝銘心口碑載道公議以從事賢勞經仁緯義旌公之門非溢美也實公之實惠及人有以致之他若操知人之鑑與同年選拔淮年劉君交館之家而有無相通濟其困乏劉君終以蜚聲翰苑出守潮州人謂其有管鮑之遺風焉生平嘉言懿行不勝枚舉茲據行狀畧陳其概以

俟後之採風者子一洵曾庠生

節錄行狀

何德祥性質廉明財物一無所私同治八年拾金還其故主鄉

里表其義行以拾金不昧額其門

採訪冊

王樹楷字端甫己亥武舉同治七年賊匪蜂起公協朱邑候勸募團練管領五十餘村日守東西河隄紀律嚴明是年七月賊近縣治公率團守禦糧草自備賊不敢逼人賴以安事以上聞獎以歸河間協標守備補用上同

李懋煜字耀亭監生京府通判秉性剛方正直見義必爲凡有關忠孝節義者無不竭力成全族鄰有故以一言判其曲直衆皆悅服附近數十年無公庭訟設一藥局爲施藥計公之至親齊姓有無糧地四頃餘被控入官閱二十餘年其家窘甚公不忍袖手訴勝戶部將地領出仍歸故主一介不取同治七年髮逆擾亂公遵朱邑候札諭以練鄉團防守沙運兩河隄晝夜巡視不憚勤勞賊平後爲衆請獎自甘退讓至今父老猶稱述之世居莊頭子炳墳增貢次炳簾均有父風上同

李維埭字潤田同治間大旱上憲施衣放糧公幫同查賑自備夫馬事畢邑候額其門曰潔已奉公小營村大橋被火燒毀人以功大難修首倡墊款兼施賑料未半載而工竣勒石記之其見義必爲多類此同上

高國安家道豐盈疎財仗義施藥濟世有求必與至今四世不替遐邇無不感德同上

孟國隆輕財樂施貧乏者多蒙體恤每年終擇鄰族之赤貧者按其家丁多寡濟以錢麥一生鄉里負欠者十居八九及病篤悉召負債者對之焚券以故人沒世不忘其德同上

于思聰暨弟思敏思勳三人皆好善樂施捨藥六七十年光緒間大旱流亡出粟數百石分濟鄉里賴以生活者不可勝數其後人應詔應詳應顯伯叔弟兄俱能繼志述事同上

韓松年字鶴友太學生天性戇直見義勇爲光緒初畿輔大饑
赤地千里上發帑賑濟當事者希圖中飽公挺身上控幾經
困阨志不少屈卒使弊竇悉除鄉民得均霑實惠生之力也
晚年五世同堂人以爲積德之報壽享七十有七同

何繼先字繩武太學生其父文謨與弟文治終身同居繼先與
兄承先又如是兩世友于鄉里稱之而其爲人所難能者家
素豐值凶年有鬻產者却之周以粟貸以財終不責償後買
許姓房產破壁得文契銀幣召還原主贊皇教諭趙贊元聞
之作傳以表其行同

蘇紹孔字庚陳附貢生候選知縣爲人輕財好義勇敢有爲清
同治七年賊犯泊鎮公不惜已財總辦團練禦賊有功邑候
朱爲之請獎准以知縣用光緒間連歲荒旱畿輔內人多餓

死在門前每日放粥全活無數時有無歸幼女年七八歲在莊西飢寒交迫氣息僅屬聞之立即收養及成人後為之擇配于王姓有佃戶李保德者因荒旱外出妻與幼子幾乎離散不忍坐視衣食之資以身任之母子賴以保全李保德回家又生二子迄今子孫相繼家稱小康不特此也國家捐賑以濟困窮慨出鉅貲毫無吝色後以好義得獎移長子星河至為人息爭訟伸冤抑尤為人所難及一生義事不勝枚舉茲不過撮其大概耳

同上

蘇殿甲字策臣太學生邑中巨室亦富家也世之富者多吝而不吝者獨一蘇策臣光緒三年歲大饑路多餓莩策臣憫之出穀數百石分濟餓者全活無數後有年爭償之力卻不受人感其德以蔭普榆枌額其門力辭不獲而後受之其心蓋

不以此自多也此不但高出富而吝者萬萬殆與其先世之
監生蘇鉞善人蘇炘並璵之子舉人蘇旺及旺之子貢生蘇
蘭成同一樂善好施世濟其美矣上同

白眉齡字如山總兵鎮朔大將軍斌之五世孫也斌傳載滄州
志茲故不錄如山商業起家好善樂施光緒初年荒旱人民
流離道殣相望施錢千餘緡設粥廠以食饑民開倉穀以恤
鄰佑一時全活者衆矣他若村人常玉泰常金山王壽山等
待以舉火者數十年後各成家懷德不忘異母兄鶴齡遺孤
三歲公收養如己子松齡夫婦偕亡出資殯葬堂兄南山無
子失養養之終身族姪婦某氏有子貧不能守周濟之使全
其節終年八十有五上同

郭正山字雲屏邑庠生世居城北磨盤李莊性純厚幼有孝聲

後訓蒙多所成就濟人之急如恐不及當光緒三四年歲大
饑餓殍遍野鄰里乏食者踵門乞救必分潤之以是多所全
活至村人之無業者必爲之謀生路今村中郭高羅白諸姓
日漸豐盛皆其保護力也

同上

劉玉山河北儒宗劉理後裔光緒四年歲凶有糴糧者借宿其
家雞鳴而去遺銀數十兩玉山拾之以待近午失銀者含淚
而來玉山慨然付之失主感恩以拾金不昧額其門

同上

蘇榮河字紫舫廩貢生中書科中書義士也于莊村西爲古漳
河清光緒十七八年間忽大水村莊幾沒不忍坐視與胞兄
孝廉彩河等商出鉅貲以築河堤附近村莊賴以保全村有
古井源忽塞水不足用鄉人苦之又獨出已財穿井以供鄉
人非急公好義焉能若此更學問優長有受業者均不受贄

伊姪蘇爾賡阜城劉榮淶一列邑庠一領鄉薦其卓著者也
是人也不但義士實名士矣同上

鄭琢章字玉琳世居邑東北東流堡賦性誠篤慷慨好義光緒
二十六年亢旱民不聊生見村鄰多不舉火遂將泊鎮囤買
之糧二百餘石分濟貧人嗣歲稔人以米償終辭不受是年
拳匪擾亂暴殺教民從中曲爲維持全活甚衆後拳匪滅迹
教民覆仇官紳失措與邑侯龔立公議局捐金調停相安無
事此後創辦工廠振興實業勞瘁十餘年甘盡義務不自爲
功邑侯保獎五品頂戴壽享六十七歲同上

齊雲峯字雨亭五品銜候選巡檢性剛直事親孝交友信臨財
廉尤慷慨好施凡有捐貲義舉無不踴躍倡行前清庚子拳
匪之變與唐紳鳳書苗紳漱芳調和民教境賴以安繼修高

等學堂兼籌長年經費認真辦事勞怨不辭惟知潔已奉公而已及唐苗二人告退獨辦收支處積勞成疾吟呻不起壽享六十有七

同上

苗漱芳字潤之邑庠生光緒甲午中日搆兵縣令張奉命辦團公辦保甲洎庚子拳匪亂後憲飭州縣調和民教邑候龔設局籌款公與諸紳悉心籌畫民教息仇龔以黨正遺風額其門與唐齊二紳立學堂遵諭清查廟產終底成功獎以五品職銜後家居不與外務矣

同上

王履中字荷馥賦性慷慨好義急公遇鄉鄰有急窘助以資財無德色有爭執則排難解紛臚陳利害事平後無伐施語且天性至孝父茂春得癰症親檢藥餌飲食數年無倦容人又

以孝稱

同上

范鴻儒副貢范德輝堂姪與族兄鴻書關東謀生適當鼠疫流

行死者無數人恐其傳染也雖父子不相問視時鴻書得病

鴻儒於數里外聞之往視兄疾及至見病者滿室鴻書泣曰

我病無生理望汝俟予死設法葬埋莫使吾屍隨衆俱焚吾

瞑目矣言畢揮之去鴻儒不忍奈病室無宿卧地不得已至

他處求棲天明回視病室一空聞已輿屍郊外將焚之矣急

赴屍場見屍堆如山覓之不得又見旁有棺數十從中得之

負棺他往因冬寒土不能開埋以雪次年春融始葬之

同上

傅盛世字熙宇周人之急濟人之危大水流亡施粥活衆

同上

及炳章字文翰恩榮八品少出嗣胞叔事嗣母不啻本生均稱

其孝處鄉里排難解紛樂施好善修橋梁築河隄種種義行

不勝枚舉壽享七十而終子三長贊墀次步墀三獻墀郡庠

生同

孫保安字又齋性好施與幼年奇貧後以勤儉漸致贏餘出遇

貧人必施之錢又置茶棚開粥廠捨綿衣種種善舉行之不

倦現年七十歲

同

文學

漢

劉淑字仲承樂城人也少好學明五經立精舍教授諸生常數百人州郡禮請五府連辟皆不就司徒种嵩舉淑賢良方正以疾辭帝聞淑高名切責州郡使輿疾詣京師淑不得已赴洛陽對策爲天下第一拜議郎又陳時政得失災異之占事皆驗再遷尙書納忠建議多所補益又遷侍中虎賁中郎將上疏以爲宜罷宦官詞甚切直帝雖不能用亦不罪焉以淑宗室之賢特加敬異每有疑事常密諮問之時黨錮議起天下以淑與陳蕃竇武並稱爲三君靈帝立宦官譖淑與竇武等通謀下獄自殺

後漢書本傳

北齊

張思伯樂城人善說左氏傳爲河間馬敬德之次撰刊例十卷
行於世亦治毛詩章句以二經教齊安王廓武平初國子博

士北齊書
儒林傳

隋

劉焯炫之叔也自幼殫志問學精明五經兼通曆算於諸經疏
說多有新義北齊至隋河北多經兵火熊安生徐遵明等聲
聞江表然未有及焯者教授弟子常數百人與炫俱爲大儒

府志

按隋有劉焯劉焯後人竟以劉焯卽劉焯不知劉焯字士
元少與劉炫結盟爲友俱以文學知名世稱二劉卒門人
諡曰宣德先生與劉焯原係二人劉焯見尙友錄

劉炫字光伯河間景城人也少以聰敏見稱與信都劉焯閉戶

讀書十年不出炫眸子精明視日不眩強記默識莫與爲儔
左畫方右畫圓口誦目數耳聽五事同舉無有遺失周武帝
平齊瀛州刺史宇文允引爲戶曹從事後刺史李繪署禮曹
從事以吏幹知名歲餘奉敕與著作郎王劭同修國史俄直
門下省以待顧問又與諸術者修天文律曆兼於內史省考
定羣言內史令博陵李德林甚禮之炫雖徧直三省竟不得
官爲縣司責其賦役自陳於內史內史送詣吏部吏部尙書
韋世康問其所能炫自爲狀曰周禮禮記毛詩尙書公羊左
傳孝經論語孔鄭王何服杜等注凡十三家雖義有精粗並
堪講授周易儀禮穀梁用功差少史子文集嘉言美事咸誦
於心天文律曆窮覈微妙至於公私文翰未嘗假手吏部竟
不詳試然在朝知名之士十餘人保明炫所陳不謬於是除

殿內將軍時牛宏奏請購求天下遺逸之書炫僞造書百餘卷題爲連山易魯史記等錄上送官取賞而去後有人訟之經赦免死坐除名歸於家以教授爲務太子勇聞而召之旣至京師敕令事蜀王秀遷延不往蜀王大怒枷送益州旣而配爲帳內每使執杖爲門衛俄而釋之典校書史炫因擬屈原卜居爲筮塗以自寄及蜀王廢與諸儒修定五禮授旅騎尉吏部尙書牛宏建議以爲禮諸侯絕傍期大夫降一等今之上柱國雖不同諸侯比大夫可也官在第二品宜降傍親一等議者多以爲然炫駁之遂寢其事開皇二十年廢國子四門及州縣學惟置太學博士二人學生七十二人炫上表言學校不宜廢情理甚切高祖不納開皇之末國家殷盛朝野皆以遼東爲意炫以爲遼東不可伐作撫夷論以諷焉當

時莫有悟者及大業之季三征不克炫言方驗煬帝卽位牛
宏引炫修律令高祖之世以刀筆吏類多小人年久長姦勢
使然也又以風俗陵遲婦人無節於是立格州縣佐吏三年
而代之九品妻無得再醮炫著論以爲不可宏竟從之諸郡
置學官及流外給廩皆發自於炫納言楊達舉炫博學有文
章射策高第除太學博士歲餘以品卑去任還至長平奉敕
追詣行在所或言其無行帝遂罷之歸於河間於時羣盜蜂
起穀食踊貴經籍道息教授不行炫與妻子相去百里聲問
斷絕鬱鬱不得志時在郡城糧餉斷絕其門人多隨盜賊哀
炫窮乏詣郡城下索炫郡官乃出炫與之炫爲賊所將過城
下堡未幾賊爲官軍所破炫飢餓無所依復投縣城長吏意
炫與賊相知恐爲後變遂閉門不納是時夜冰寒因此凍餒

而死時年六十八其後門人諡曰宣德先生炫性躁競頗俳諧多自矜伐好輕侮當世為執政所醜由是宦塗不遂所著書數十種並行於世

隋書儒林傳

按炫以絕世之姿博通墳典述作穰浩滿家使其矜重顧藉不且粹然儒者與遭逢不淑嬰木纍囚卒以凍餒死哀哉夫狀列文學而官之將軍史用詆訾又以儒林列之何多謬也

唐

張祐字承吉交河人寓居蘇州有詩名白居易為杭州刺史曰江東進士多奔杭取解時以素望取士祐自意必首薦既而徐凝冠多士祐遂偃蹇不隨鄉試令狐楚鎮天平表祐新舊詩三百篇以獻祐至京師為元稹所抑寂寞而歸嘗自號釣

鼇客會昌初李紳節度淮南壯其爲人厚其禮遇祐長於宮
詞庭掖多吟詠杜牧與祐爲詩酒友寄詩云雖人得似張公
子千首詩輕萬戶侯當時以爲故實後知南海罷但載羅浮
石歸不治產後卒於南陽

舊縣志
廣輿記

明

蘇養民字康宇上世系出山左始祖盛始遷交河邑東五十里
之七里口家焉盛生彪彪生寧寧生九經世業農至是始博
一衿有丈夫子六遣伯仲入邑就師友康宇行三人泮百行
純全腹笥尤富奈累舉不第以明經出宰太原之興邑循聲
丕著與人愛如慈母後因捕大盜怒邑紳某歸里訓四子義
方甚備先是公家習毛詩至是以麟經教諸孫迄今邑人以
是經發科人文楚楚者皆公之力非獨公家一門已也歿累

贈中憲大夫廣東嶺東道祀鄉賢舊縣志

蘇俊大拔貢生幼時父病侍湯藥衣不解帶數月及長治春秋

授徒甚衆官贑州推官著有四書講義春秋胡傳句解卒祀

鄉賢同上

清

王蘭生字振聲號坦齋幼端凝誦朱子易本義不遺一字杭世駿撰

行安溪李光地督學直隸拔置縣學爲諸生益自刻勵研極

性命之理時廟堂方開書局聖祖問士於光地光地首以蘭

生及景州魏廷珍宣城梅穀成薦召直內廷晝日三接康熙

五十二年命與舉人一體會試九月蒙養齋開局與編修纂

事旋以父病乞假歸丁憂起復召赴熱河復以母病請有旨

攜韻書就家纂輯蓋異數也六十年試禮部不利賜一體殿

試改庶吉士充武英殿總裁纂修駢字類編子史精華二書
世宗嗣位授翰林院編修雍正四年授國子監司業提督浙
江學政五年擢翰林侍講七年擢侍讀學士調安徽學政復
留充江南鄉試正考官以學政主鄉試前此未有有之自蘭
生始復調陝西學政蘭生清介絕俗苞苴干謁不戒自遠愛
士如子弟頒示光地遺書經說使諸生知所誦法凡奇才孤
學通知陰陽曆數者必提掇獎成之十三年以事挂吏議左
遷少詹事高宗登極復補原官進刑部右侍郎管禮部侍郎
事三年隨駕謁陵次涿州卒於肩輿中上聞軫悼賜帑金五
百總督爲治喪賜祭一壇蘭生出入禁闈十餘年受聖祖指
示故學無所不窺凡校審周易折中纂輯律呂正義數理精
蘊卜筮精蘊音韻闡微諸種書蘭生之力居多幼於律呂音

韻之學尤有夙悟光地嘗以朱子琴律圖說雕本流傳多舛
誤蘭生爲之抉發證明皆可推據承聖祖所授御製律管風
琴諸解本明道程子之說以人之中聲定黃鐘之管積黍以
驗之展轉生十二律皆與古法相應又至郊壇親驗樂器而
後知管音有長短巨細之差故有黃鐘積八倍者或四倍者
而匏笙之管反有黃鐘積八分之一者至塤箎之數亦皆以
黃鐘積實加減而得其聲應至絃音則但爭長短或用倍或
用半其聲已應蓋立方者用體平方者用面有不相同也其說
弗盡符於朱蔡而與管子淮南合音韻則蘭生得之光地之
教者大畧與崑山顧炎武同炎武較密又承聖祖之誨知國
書與古法合併外蕃諸國韻書亦有合者今人皆疑歌麻支
微齊魚虞七韻無頭不知七韻乃聲氣之元能生諸部切諸

部而不爲諸部之所生切宜居部首卽國書第一頭喉音五
字也等韻之易錯皆由清濁之不分乃卽用國書五字頭爲
聲音之元以定韻又用連音爲紐切之法以定等皇極經世
詳等而畧韻顧氏則詳韻而畧等互有異同是書出較若列
眉而萬音畢舉矣是時鉅公宿儒未能盡通其義蘭生以一
布衣親接君相之緒言披郤導窾釐爲一代石渠大制作識
者榮之

全祖望撰
墓誌銘

乾隆五年入祀鄉賢祠子誠廕生有文行

國史大
臣傳

席煦字化舒康熙己酉拔貢學問淵深設帳於家從遊者先後
數百人擢顯科者不計其數其最尤者乃景州探花魏廷珍
也性廉儉一介不以取人雖嗜酒醉而彌恭一布衫數年不
易鄉鄰有爭每以一言排解之年七旬而終著有學庸說義

鍊筆摘要藏其家子基德培德俱廩膳生

採訪冊

高雲章字倬如康熙癸酉優貢後舉孝廉方正經術湛深尤精於易與王蘭生齊名時安溪李文貞公光地奏開蓮池書院飭各縣舉諸生通易理者邑候以其名薦然淡於榮利未嘗應命以樂育人才誘掖後進終其身以故及門之士通經學擢巍科者踵接獻邑戈太史濤贈以詩云孝友本天行立達願同人參透性命理思出名利羣學政錢賜匾曰行重鄉評以之上聞奉旨旌其門曰篤行醇儒

同上

王琬字象玉號靜牖歲貢生例封文林郎宗族稱孝鄉黨稱弟刻苦讀書學問淵粹及門之士食餼入泮者指不勝屈而戈景曾胡君昌劉棫皆登賢書每科歲試輒膺首選棘闈屢薦不售人每惜之

同上

王瑄號衡湘貢生候選訓導敏而好學博古通今伏几編摹媿
媿不倦制藝原本六經宿儒見之首肯奈命與數違棘闈屢

蹟惜哉

採訪册

及愁字孺愛歲貢生隆平縣訓導博古嗜學世事從未問聞特

已待人光明坦白羣推士林楷模

同上

常青岳字未山雍正五年舉人官江西南康府同知政本經術

寬猛相濟裁決簿書明敏過人詩清麗拔俗著晚菘堂二卷

同上

曹爾章字文候廩膳生品學兼優雍正十一年邑候謂其正直

忠厚欲賜匾額辭不受舉爲約正奉旨頒發聖諭十六條朔

望宣講化民又頒發上諭二十四條乾隆踐祚恩賜貢生直

隸學政錢以盛世碩彥四字旌其門著有中庸講義求明錄

帙繁無力付梓同上

劉理字變甫乾隆甲子舉人天津府學教授家貧嗜讀學富五車設帳獻邑之崔爾莊紀文達公昀其高弟子也文達爲一代文宗而其學問之基礎得力於先生者居多初先生應童子試入場完卷日未午學政試以通場題文閱畢喜甚取爲通場榜首邇日河北士子或博或精莫不欽佩先生厥後天津鹽運使悅其學之淵深也贈以河北儒宗額同上

王相舉字枚從乾隆己卯舉人歲貢景夔公子性情和平品行方正居家以孝友稱其處鄉里有長厚之譽自幼勤誦讀於先儒性理之學頗有心得而又優於詩歌著有師竹山房詩稿惜未傳大挑二等授正定府井陘縣訓導歷署新城樂亭等縣教諭共以經師人師相欽仰之同上

王賢舉字禮堂舉人相舉胞弟乾隆庚午以歲貢挑取謄錄授
通州學正在任仍教授生徒門下多知名士通州文風一振
公動以古人爲法而孝行尤篤詩文模倣漢唐一時大有聲
譽未登科甲人爲之惜在任十餘年後告老歸里構精舍三
楹讀書其中善爲詩暇則邀二三知己樽酒論文雖居城中
終身不入公門同上

李元杰字萬周邑庠生天資聰敏讀書過目成誦至十三四歲
學問卽淵博批評五經四書獨具卓識士林莫不敬服作文
有韓柳氣概縣試擢第一院試又冠其曹學使閱其文深器
重之批謂金華殿中人乃才華盡洩壽算不永院試畢回籍
數月病故惜哉採訪冊

南化醇道咸間宿儒也字蔭棠世居縣西南家莊幼聰穎讀書

有神童之目後童試冠軍制藝傳誦紙貴一時適丁內艱例不入場迨服闋再試太守徐奇其文拔爲十一屬冠開科以來剗格也因垂青收爲門下士至學使案臨仍以第一人入泮科歲屢冠名場宗師輒選其文付梓無奈屢困秋闈僅貢成均例選訓導性情不樂仕進卒以教讀終其身公長於時藝而文章根柢六經攻苦有年富有著作收輯無人胥就湮沒至今人多惜之

同上

李汝均字維甸國庠生才質英敏學力過人於經史子集頗能淹貫爲文雄渾迥異小試規模書法得趙氏意在童子軍一試不利遂納監入秋闈薦卷三次終無一售士林皆爲之不平而先生坦然毫不介意著有知命錄二卷幼嗜學而老猶不解同治間河間陳太守崇砥甫下車卽觀風出有詩賦文

策論各題先生備作俱中肯綮擢爲十一州縣第一時年已八旬矣先生精痘疹科著有痘疹辨症二卷上同

李汝政字牧人元杰之姪汝均之弟道光庚子歲貢生世居莊頭村品學兼優言語不苟不言人過讀書寒暑無間爲文根柢經史乃躋於鄉舉遂以啟迪後學爲已任資以成名者衆爲同邑進士王松得力師也年七旬授香河縣教諭到任期年因病告歸卒於家生平愛菊又好弈著有弈說二卷咏菊詩若干首課子便錄二卷家藏未傳子二人長懋實歲貢生

次懋勛邑庠生

採訪冊

及嵐峯字瘦齋增廣生學問淵博經史百家靡不貫通醫卜星相地理旁通曲暢人所景仰迄今猶傳頌之上同

王化昭字癡園歲貢生天資聰穎讀書過日不忘性淡泊不事

科舉專爲詩古文辭道光間居京邸一時名貴何紹基賈榛
劉翰戈其邁劉樾諸人咸與交遊推爲巨擘古文取法秦漢
詩號專家生平著作散佚無傳其所編纂者文無所見詩則
有漢魏唐宋金元清各選以及諸名家專集如陶淵明李太
白杜子美韓退之蘇東坡黃山谷各詩選遺山詩選空同詩
選卧子詩選六家詩選漁洋詩選所著有癡園遺集甘陵草

上同

孟岱齡字壽東亞聖裔也幼年聰穎苦讀而貧賴塾師王與胞
伯諱慤者有以教誨之其學問功名成就得二人之力居多
清當中葉士子競尙科名專攻制藝公則根柢本於六經程
度法乎先正以故一時文人學士稱爲文藝宗師張名宿汝
泗謂其文隻字不能易道光丙戌成進士不樂煩劇請就教

職歷任天津順天等府以成就人才爲務一時弟子上進者
累累家居授徒自給入泮食餼者百餘人而登賢書者蕭公
受圖捷南宮者張公學孔也年七十餘致仕終於家著有青

雲錄一卷採訪冊

李慶堂字壽山以恩貢候選直隸州州判性好學博古通今爲
同邑進士張公學孔高弟子事親以孝聞尤篤於友愛性謹
厚生平不言人過德學兼優爲士林望以數奇困於棘圍終
身以舌耕爲業教誨及門先德行而後文藝講四子書闡發
靡遺得孔孟真命脈邑侯朱公紹穀慕其雅範嘗親敬之上
苗毓芳字蓮峰咸豐己未舉人同治七年以防河功獎五品銜
性甘淡泊樂育人材教讀五六十年入泮食餼者六七十人
登賢書者九入宦途者七多士蔚起萃於一門甚盛事也其

尤難得者兄弟期頤一堂聚首而子姪輩孫曾行或入泮或
食餼咸沐詩書之澤嗚乎幸矣同上

王慶穀字子佩恩貢生候選通判加同知銜以親老依依膝下
終養林泉盡子職抑亦從母命也兄慶圭慶瀛夫婦偕亡撫
育諸孤男則就教師庭女則日嫻姆訓恩斯勤斯視如已出
觀其修於家者止孝止慈兩無遺憾然其重於時而爲人所
稱許尤在遠於古善於文也博極羣書經經緯史茹古涵今
與文人遊議論風生上下數千載往復億萬言是非得失怡
然渙然尤好爲古文辭一切碑誌書記之作饒有歐曾矩矱
至於詩則取法於李杜蘇黃自成一則著有古香閣詩草一
帙古云夫惟大雅卓然不羣庶乎於公遇之德配金宜人天
津進士湖北糧道開第之女孫四川資陽縣知縣鑑之女也

貞靜恭肅好詩書常與公對案披覽閨中良友也相夫手撫
子女又居然大家風範焉子元翊元翹同

李炳坊字漁山號玠石童年失怙稍長痛母苦節每自飲泣急
思表揚母志博覽經史不屑爲童試文遵例納貢以冀鄉薦
奈事與願違五試鄉闈未售因就布政經歷職自念功名未
能遂志課子讀書倍加嚴密以故三子俱青其衫兩食廩餼
義方之訓可想見也數十年間襄各縣令辦公不辭勤勞各
縣令知公正直端方皆敬禮之暇卽靜坐一室賦詩消遣凡
古人軼事名言皆集要訂本手著有清逸錄消閒篇見聞集
等書每以守身如執玉積德勝遺金之語爲子孫咏之採訪冊
李鳳岡字叶桐號石蟠邑名宿也生而穎異八歲能詩十五就
外傳經經緯史號神童厥後游庠食餼科歲屢列前茅而其

律賦尤能爲一家言各屬業是者多執弟子禮同治甲子挑
取膳錄癸酉選拔秋闈七薦不售意豁如也雖身困名場而
生徒數百人一經訓迪入泮登第者不勝屈指後進因其制
藝鈔錄而中式者三四人其名蹇於遇何如也而其能於此
益見矣晚年好詩古文辭傳記碑誌求者踵至吾邑當光緒
時捷南宮者二人登乙榜者三十餘人而一言實學羣首肯
於公而避舍焉著有實事求是齋詩賦文五卷碧雨山房實
事卽詠二卷實事錄一卷他若課餘便記四書題論門人尙
多鈔輯也年五十四而終

同上

張右銘字竹西宿儒也賦性溫和才思英敏詩賦文字根柢六
經而得力最深者尤在於易人有勸公著書者常欣然謝之
公才學不欲表見而不能自秘爲人所爭羨者書法精妙求

者每踵至焉後以貢生應選訓導然不樂仕進意重成人列門牆者屢盈戶外訓誨之要每以端品行勵氣節開悟後學人雖中材一受陶鎔靡不品端學粹一時獲雋者科舉有人而食廩餼列膠庠者指不勝屈士林佳話謂桃李盡出公門矣晚年頤養天和不預公事後因邑宰徵求不得已出而辦保甲以清戶口勸積穀以備災荒助文牘於姚公清賑濟於周帥歷歷事蹟皆餘緒也享壽七十四以疾終子四人長星漢業儒次星潢舉人三星源四星海

採訪冊

高奎照字星藜天資英敏拔貢李鳳岡器之盡傳衣鉢故以府試第一人入泮科歲試屢膺首選己丑登賢書本成己以成人采芹者數十人登第者累累不絕清之末造知西學有用任通州學正急立學堂親訂規則士習爲之一變實君毛公

雅重之資助遊學日本回國後著教育學一卷行世毛公繼立儲才館延四方名士又以之爲領袖嚴範孫延視各學直省北境盡捐舊習然學問本諸倫常少年失恃孝事繼母兄弟聚首數十年無疾言遽色他如庚子拳匪仇教教民復仇株連多人時方就邑候龔公館爲人解脫者無數皆不自以爲功惜昊天不弔年五十有七而亡士林談及莫不扼腕上同

褚士權字揆中庠生賦性蘊直幼有癡名及讀書一目數行弱

冠擢茂才博通古今進士岱齡孟公深器之終致躋棘園同

人爭扼腕焉有著作若干卷惜未傳

上同

褚景說字代言性孝友謹言行以第一人補弟子員學問根柢

經史入棘園終不獲一薦教讀東邑三十年受業成名者不

可以更僕數著有位行錄二卷家藏未梓

上同

技藝

北齊

樂城子信都芳字玉琳河間樂成人少明算術兼有巧思每精心研究或隊坑坎常語人曰曆算玄妙機巧精微我每一沈思不聞雷霆之聲也其用心如此江南人祖暅授以諸法由是彌復精密後隱於樂平之東山慕容紹宗薦之於齊神武授中外府田曹參軍著樂書遁甲經注周髀四術及史宗又私撰曆書名曰靈憲曆書未成而卒節錄北史本傳宋大觀三年禮部太常請定算學於是封芳為樂城子宋史禮志

隋

成平男盧太翼字協昭河間樂城人本姓章仇氏七歲詣學日誦數千言州里號曰神童及長博綜羣書尤善占候曆數之

術隱於白鹿山仁壽末年高祖將避暑仁壽宮太翼固諫不
納至於再三太翼曰臣愚豈敢飾詞但恐是行鑿輿不反高
祖寢疾臨崩曰章仇翼非常人也言事未嘗不中及煬帝時
漢王諒反帝問之答曰上稽天象下參人事何所能爲未幾
諒果敗又言黎陽有兵氣數日而楊玄感反帝甚異之數加

賞賜

隋書本傳

宋時封成平男

宋史禮樂志

按信都芳盧太翼史皆稱河間人嘗讀宋史禮樂志大觀
三年禮部太常請定算學於是封芳樂城子太翼成平男
其時所封風后以下六十六人爵皆取名本土如張衡之
封西鄂管輅之封平原郭璞之封聞喜劉炫之封景城尤
其章章者芳太翼所封以樂城成平則當是邑人無疑也
成平隋改爲景城太翼之封以嫌於劉炫故特假古名卽

其不別取他縣益可決其爲景城人矣

明

耿情字子發邑西姜官屯人生而穎異受道家書身長七尺能挽八石弓發矢奇中然所專長莫過於醫每據內經斷症言無不中乞求車馬雜沓戶外嘗語人曰用藥如用兵古之方書不可泥於今日是以善用兵者羣推淮陰背水之陣不知者以爲廢古法知者則以爲真能用古法也用兵如此用藥何獨不然進世之醫蔑古者師心自用泥古者膠柱鼓琴是皆草菅人命也觀其所言其精於醫也可知後以子橘貴贈文林郎常熟縣知縣

清

王猶龍字丹階號翼亭乾隆己卯舉人江南知縣工草書楷書

亦一時之最江南士子學書者不一而足其尤者狀元錢公

棨也

採訪冊

王邵號煦山廩膳生雄縣教諭學優品粹闔邑矜式性情恬淡
貧富渾於無形肄舉子業屢薦不售晚年潛心醫學活人無
算歿之日聞者無不傷痛往往有泣下者蓋盛德所感其入
人也深矣

同上

劉珩字奉三性聰敏才超逸博通今古精心岐黃醫名卓著邑
候雷公以妙手回春額其門著有保赤錄一書傳世世居郝

村

同上

及應龍字諤菴六品銜先世自金臺遷居交河遂家焉公業儒
早失怙恃與兄析居棄文就武好兵法精戰陣擒匪之亂投
營自効亂平得獎歸而習醫求無不應全活甚夥一時稱良

醫焉其居鄉也人有稱貸皆如願以去久之亦不責償由是人人懷德婦孺稱善無異辭壽七十三而終配息氏無出以姪樹栝爲嗣

採訪冊

郭文濤字滙洙號柳溪道光丙午貢生嗜學好藏書惜未登第會友則與王梯峰李仙籌王癡園諸公爲金蘭契且善書楷法體備鍾王晚年尤工草書後人之藏其字者皆愛如珍璧更精於醫學歷代醫書極多故診脈立方他人束手無策者先生投之立效生平著作不少惜後人式微卷帙蕩佚封大純先生其高弟子也

同上

盧梅字調卿幼習制藝應童子試文戰不利棄儒就醫殫心十餘載未經一試人議其高自位置公曰人命至重可輕嘗試乎街鄰有疾者更醫罔效病垂危往診之一劑愈會夏季疫

行鍼藥兼施全活甚衆晚年尤精小兒科著有鍼灸便用一書邑侯朱吉園爲付梓焉同上

穆作楨字秀峰太學生業岐黃求無不應全活甚衆子庠生如清恩貢風清孫書田藍田俱繼其業鄉人贈以累世良醫額且書香不斷咸以爲先生活人之報云同上

楊雲興庠生鐵嶺人祖文彩仕河間後遂寄居交河善繪事以指代筆山水人物各盡其妙人爭寶之而所畫之虎人尤爭購有室而終身不色故無後人焉同上

李懋勛字竹軒邑庠生精通醫術尤善婦科人有宿疾數十劑即奏功歿後有久症者往往思之同上

李懋昭字德宣通醫術診脈不必問症疾痛疴癢言之脗合同上

王廷璿字星文庠生精於醫著手成春痼疾者有得一診死而

無恨之語後子如澧如瀚俱繼其業採訪冊

王如澧字靜甫庠生廷璿長子好岐黃精其學切脈審方洞見肺腑全活甚衆冬月在戚家有無病而戲求診脈者公診後密語其子乃父肝脈甚盛明春病必發宜早備之果如所語縣令王寶權聞之額其門曰術高和緩子櫟孫文煒俱繼其業同上

王如漣字晴洲專精外科求無不應施藥終身同上

孫珉字靖白棄儒就醫長於鍼灸求無不應四方有神鍼之目子孫世守其業遐邇感恩公送著手成春匾並頌德勒碑同上

封大純字粹然邑庠生初習舉業屢試不售遂專業岐黃著有醫學心法四卷爲一時良醫同上

張思敬字欽若專工繪事著有畫學新編四卷傳世同上

王玉麟字仙石屢試不售專業丹青著有人物畫譜二卷傳世

同上

張化鳳字超凡樂善好施冬捨棉衣更精明醫術求無不應同上

王柄字指辰清封奉直大夫通鍼灸精內外科貧者恤以飲食

施以藥餌至老不倦子文照習外科同上

韓桂林醫道精明治之無不立效村人公送道心仁術匾額同上

王開泰庠生早孤事繼母孝家貧苦讀入邑庠後習岐黃於痘

科最精求無不應著手成春歿後鄉鄰猶追念不忘焉同上

苑廷勲字麟閣品行端方應試未售專心畫本山水人物工筆

寫意無不入妙至代人寫真尤其所長同上

孫毓崑字崇山家貧善鍼灸應手奏效不索人謝有求必應不

辭勤勞五十年如一日同上

魯鴻志字展成例貢生良醫也其治病也富不索謝貧施藥餌周以錢米必病愈而後已故又有善人之目人感其德以仁術博施額其門廩生劉牧齋贈聯云診視著勤勞不卻富不辭貧一例廣施君子惠聲稱播遐邇或歌功或頌德千家共仰善人名子庠生樾墉醫亦精通紹其業

採訪冊

白耀先苑家莊舉人玉琳孫庠生大成子爲人誠樸心思靈敏精圖畫山水人物羽毛花卉各臻其妙雕鏤器皿異常精緻類皆獨出心裁於管絃絲竹著手成音尤能令聽者神移

同上

高宇泰字靜齋太學生業岐黃五十餘年遇貧施藥毫無德色延請者踵至亦不憚煩直隸總兵龔提督梅頌以額曰術法

通元著有保產集藏於家待梓

同上

李文炳奎文閣典籍精於醫遠法岐黃近宗仲景奇險之症著

手成春一時有名醫之目著有珍珠囊二卷同上

李德中字允執邑庠生東李莊人棄舉子業精岐黃術求無不

應活人甚多著有醫學指南傳世同上

閻玉山精眼科有求必應治無不效遠近著名年逾七旬車馬

尚盈門焉同上

蘇文灼字俊三廩貢生候選訓導素通醫術求者不論貧富無

不立應人皆感之同上

劉恩溥讀書未達善繪事山水人物無不入妙同上

齊雲慶字錫瑞性情灑落精心繪事古今名家摹擬殆徧至晚

年揮毫落紙羣山萬壑俱見於尺幅中直寫生妙手同上

田汝文字子彬自祖業醫相傳五世至子彬藥性脈理愈無不

明小兒痘疹各科尤其所長且求無不應同上

范永華字壽山爲人忠厚品行端方善岐黃應求風雨不辭著

手即愈歿後四鄉猶念念不忘採訪冊

李秉鈞字碩甫專醫術攻之既久藥性洞澈脈理詳明具有起

死回生之技真良醫也同上

李炳藻字梅臣讀書屢試不售去儒就醫內經難經以及各名

醫書研究有素求者累累活人無算雖有著作後皆散軼同上

陳德榮保獎七品精眼科獨有妙方貧不能買藥者時施之不

取分毫又精地理亦求無不應遐邇感佩民國元年冬阜城

耿莊黃莊等處公以學遂洛書額其門同上

蘇爾賡附生鴻臚寺序班精醫道著手成春不論貧富有求必

應四鄉感其義民國二年公送壽世活人額同上

范誠煊字炳文精通地理博極羣書所用之地無不應驗年七

十餘上賜鄉者恩榮八品上同

隱逸

晉

張薦樂成人隱居頤養不應辟命一郡號為高士家有竹數十

畝薦於竹中為屋常居其中王右軍聞而造之薦逃避不見

尚友錄

唐

任華樂安人與李杜同時初為桂州刺史參佐嘗與賈京尹杜

中丞嚴大夫牋多所致責又與庾中丞書云華本野人常思

漁釣尋當杖策歸於舊山非有機心致斯扣擊寓居景城西

巖蘭若為僧雅撰神咒經序

序見獻縣志

明

劉鳶字希天由歲貢任訓導陞教諭致仕家居性最好學日手

一編至老不倦後喪妻無子孑然一身貧無斗筲躬執薪爨
人不堪其憂公處之怡然也通判陳郡守錢司理許相與鳩
金贈知縣馬亦捐俸周之年至九十餘而終棺殮不給人共
出資葬之

舊志

清

蘇遠大字太登康宇子兄弟四人長就大藍田宰次卽公次美
大俱廩生次俊大江右司理子二長銓通政司左參議次鎬
太學生公性孝友勤學好問義方教子寬和待人居鄉一言
解紛豪滑皆化子銓成進士任臨清知州公隨任訓之曰務
爲清白吏勿隕家聲以貽祖父羞遇大疑難必再四籌畫命
之施行因勞成疾易簣時但曰好爲之無負朝廷卒於州以
子銓貴贈如其官

舊志

蘇瑄康熙中以貢士當選知縣先一夕夢入官署西向坐冷風蕭然既覺以問部吏曰天下令署有西向坐者乎吏曰有之福建浦城是也及選果得浦城未幾告歸終老林泉一時有

高士之目

舊志

王夢鯉字叶飛號禹門邑庠生壽享八十二歲公賦性超曠居心坦直嗜酒不問家計後雖久困棘圍處之晏如也晚歲頽

養天真無疾而逝

採訪冊

王景夔字友龍號莪原歲貢生壽享七十四歲公幼年讀書能自樹立年十九補博士弟子員歲試輒冠其曹一生孝友盡載家乘故不復贅然性甘淡泊不樂仕進始終以教人爲念每逢講解必諄覆提命聽者解頤遇寒士大加體恤免其束脩濟以資助前後成名者不一而足厥後公之子一登賢書

一頁成均人以爲樂育人才之報上同

王鍾祥字蕙軒國學生乾隆辛酉舉人王清遠曾孫也幼讀書無意進取雖居城內不啻鄉閭歷任知縣知其名求之辦公終無一應光緒二十七年修高等小學堂閭邑諸紳共推公不獲已司會計工程鉅萬不差鎰銖工竣卽引身退所謂市隱者與上同

王鈞字若亭庠生貽贈武德騎尉嗜讀而無志功名日以琴書自樂著有標囊集九卷琴譜二卷待梓上同

劉效禹字芳普布衣秉性孝友立品清高有巢許風嘗曰功名是身外之物榮華乃敗德之基閉戶讀書不求聞達宗族受業者數十人循循善誘同人景仰一生待人接物無急言遽色雖有橫逆之來亦不與之校至老益壯讀書不倦著有六

然警齋辭序治家筆記爲座銘壽享七十有四以子郁章貴

勅贈武畧騎尉

採訪冊

寓賢

漢

公沙穆字文義北海膠東人府舊志爲樂城人家貧賤自爲兒時不好戲弄長習韓詩公羊春秋尤銳志河洛推步之術寓居建成山中依林阻爲室獨宿無侶時暴風震雷有聲於外呼穆者三穆不與語有頃呼者自牖而入音狀甚怪穆誦經自若終亦無他妖異時人奇之後舉孝廉爲弘農令

節錄後漢書本

傳

明

段準山東禹城人永樂中任河間通判廉介自持有惠政在民

其卒也貧不能歸留葬交河李村之原其子因家焉

舊志

孝友 補遺

清

從九趙德魁字星五幼歲在泊鎮經商咸豐三年遭髮匪之亂被擄幾年餘同夥七人公獨履險如夷間行旋里人咸以爲吉人天相也蓋公賦性純篤孝行素著與二叔父永泰久經異爨一應供養公獨任之其堂兄德馨暨堂姪三人盡倚以爲生從無德色其三叔永福四叔永成又父之異母弟也或糧米以足其食或錢財以周其急不待啟齒公早代爲謀之至蒙公之惠者親戚若王若馮若孟若賈朋友若徐若馮若史若李或數十千或數百千錢自己出過輒忘之以故經商數十年衆股東之重公信公者皆以公之素行也昔裴楷讓宅於兄褚淵推財於弟公更復乎尙矣

人物志上卷補遺

孝友

清

唐鳳龍惠家莊人少喪父母哀毀骨立及婚年餘妻亡無息叔有五子日用不足帶地十餘畝與叔同度積二十年產逾百畝叔子五人均授室已鰥居不續恐續不能同居也及叔故與喪父同年五旬始續娶以叔母在不作分居計舉家患病夫婦侍湯藥染病偕亡終無子女叔之兒孫分受其業是人也初孝父母無父母而孝叔父母並因叔父母而愛叔父母之子若孫其孝友殆出天性者歟

徐大文賈家莊人授室後與兄異居父母在因貧出外謀生兄食指繁每得資除養親外盡情分潤妻子氏性淑慎雖知之

亦不校兄女四男一男甫生卽失恃于氏奉夫命抱姪與女
同乳氏撫夫兄之男若女如已出見之者不知其爲猶子猶
女也大文以兄鰥構宇居之用不支時接濟之無德色友于
天性夫婦如一賢矣哉

人物志上卷補遺

孝友

王秉泰監生事親至孝其兄亡遺一子尚幼公撫養如已子族鄰均稱其孝友

技藝

蕭健圖字鐵崖監生舉人蕭受圖胞弟精岐黃著手成春一時遠近莫不欽仰著有驗方類編傷寒論等書獻邑包源以品端術正額其門又廣平府武延緒題聯云濟世當爲天下雨問年如對老人星子壬恂克紹父業亦良醫

趙德源字體乾武庠生精長桑之術求者盈門不論

貧富惟問病之緩急按次診治用藥即效活人甚衆

